

IIRAIRUILLAIDO ITIFUIAI JINO CIOTAINA

Juzíñamui San Juaamo Jino Cíotagafue

EL APOCALIPSIS

O Revelación a San Juan

Jesucristo jino onóitagafue

1 ¹Bifue uire ítifuiiai jino cíotainafue. Juzíñamui bífuiaina Jesucrístomo cíotate, afémie ie ocuífireganomo ácatallena. Daií Cristo uáfuea raire ífcaitifuena jino íaioimo ácatate. Jesucristo ie ángel daina abi ímiedo bie jino cíotagana ie ocuífiregamie Juaamo onótate. ²Afe Juan nana ie ciónana uáfuea jino llote. Daje izói afémie Juzíñamui lloga uaina nabáifirede. Afe Juzíñamui lloga uai Jesucrístodo ñue jaícina llócaiga. ³Bie Juzíñamuimona oga uaina jíáimacimo facáduana cacádino caimare itíaioi. Daje izói bie rabénicomo cuega uaina cacáillano ñue náfuetino caimare íóbitiaioi. Mei bie rabénicomo llogáfuiiai zúitirui ja áinozideza.

Siete dígade iglésiai daina Juzíñamuimo gáirifiredinomo Juan cuete

⁴Asia éniemo ite siete dígade iglésiai daina Juzíñamuimo gáirifiredinomo cueticue. Cue Juáadicue. Mai Juzíñamui ñúefuiiai dibénemo, naa ie caimare uái illafue dibénemo omoi iri. Mei afe Juzíñamui birui itímieza, íemo jaca nanómona jaii itímieza, íemo uire jaca ninomo íitimieza. Daje izói ie ráirano uícomo siete dígade ñuera jóriai ite. Afe jóriai Juzíñamui Ñuera Joreño jana. Afémie ñúefue

dibénemo omoi iri. ⁵Iemo daje izói Jesucristo lloga ñúefuiaí jeire omoi oíri. Afémie jáíifo méidofinide uai nabáiraima. Daje izói afémie nano tíllanomona abido meine tíñellena cáatagamie. Iemo jiái afémiemo bínie illáicomini ocuilla rño ite. Afe Cristo caina izíruillano ie totaca díedo cai fiénidífuiaína oni dote. ⁶Iemo nane illáicomínina caina itátate ie Moo Juzíñamuimo cai jaináillena. Daje izói comínido Juzíñamuimo úrifiredinona caina jóonete. Afe Juzíñamui éna jóonegacai. Ie jira jaca ninomo áillue ébífue naa ocuilla rño díga afémie éna íteza. Aquie izóideza.

⁷Ero, Cristo mona uílliedo bite! Nana comini éna cfoitiaíoi. Daje izói ie fatino éna cfoitiaíoi. Iemo nana bínie nairai afémie bíllana cfoillano éenaitaíoi. Jii, uafue daiítadeza.

⁸Cai jamánomo riire Ocuídímie bie izói daide: “Nana ráfuiái nai cómuíñenia uícodo itfmiedicue. Daje izói fuizájillanomo itfmiedicue. Abecedario A-do táinia izói nánoramiedicue. Daje izói abecedario Z-mo fuizaiila izói úiraimiedicue,” daide. Afémie birui itfmie, íemo jaca nanómona itfmie, íemo uire jaca ninomo ítimieza.

Ebírede Cristo nicáirilla izói ciona

⁹Omoi ama Juáadícue. Omoi duere zefuilla izói daane duere zefuídícue. Daa omoi izói Juzíñamui illáimana illánomo jaináidícue. Iemo Jesucristo omoi úiñotaja izói daa omoi díga úiñotagacue. Jesucristodo fairíotaga Juzíñamui ñuera uai jino cue llócailla jira llavécacue. Pátmosmo mámeçirede monaillai çigi ídumo llavécamiédicue. ¹⁰Iemo afénomo cai Ocuíraima cai ocózinaitaruimo Juzíñamui Ñuera Joreño náamatagacue. Afe llezica vudugoi fúunua izoide ficírede uaina cue méífomo cacádícue. ¹¹Afe uai cuena daide:

—Naga ráfuiái uícodo itfmiedicue. Daje izói fuizájillanomo itfmiedicue. Abecedario A-do taineca, íemo Z-mo fuilla izóidímiedicue. Mai nana o ciona díga daa rabénicomo cúeiri. Cuiano, Asia éniemo ite siete dígade iglésiai daina Juzíñamuimo gairífredinomo o oreri. Afe jófueniaí mámeçiai: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

¹²Bu cuemo úrilla daiíllena abido gírecaidícue. Gírecaillano, siete dígade oro finoina mechérana ciódícue. ¹³Afe çigimo cómemona comuídímiena eróidena ciódícue. Afémie jitáoigaroi éiba ícoímo dúcide. Ie jogóbemo lláiidife oro finoina. ¹⁴Afémie ífótirai iere úzerede, jaiílici úzerena izói úzerede. Iemo jiái nieve izói úzerede. Ie ui irai bóua izói cfoide. ¹⁵Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie idai quenírede. Iemo aillo imánillai nofíco tua ficírena izói ie uai ficírede. ¹⁶Afémie onoi nabézimo siete díga ucudu llíide. Ie fuémona iere jáirede llojéfai izoide

raa jino billa; afefai nágafene jáirede. Ie uieco jitoma iere riire egáñua izói riire egáñote.

¹⁷Afémiena cíoillano, ie anamo tídimie izói baiídícue. Mei íadi afémie ie nabezi cuemo bíitano cuena daide:

—Jacíruiñeno o iri. Cue bie nanóidímiedícue; dáamiedícue fuizájillanomo íitimiedícue. ¹⁸Birui cáadímiedícue. Mei nauí tídícue, mei íadi birui jaca ninomo cáaitícue. Tíilla zuitara llave izoide raa cuemo ite; daje izói tídíno illano lláveniaí cuemo ite. ¹⁹O ciona díga mai cúeiri; birui itífuaí cúeiri, íemo uire cómutífuaí cúeiri. ²⁰Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígaze Juzíñamuimo gairídino uai llócaítino jana. Iemo afe siete dígade mechera siete dígaze Juzíñamuimo gairííredino jana, —daíí afémie cuena daide.

Siete dígade iglésiai daína Juzíñamuimo gairííredinomo

Ilollíuai: Efésomo ite íínotinomo llogáuai

2 ¹Cue ciónamie dáanomo cuena daide:

Efésomo ite Juzíñamuimo gairídino úíñoraímamo búai cúeiri: “Afe nabézido siete dígade ucúduai llídímie daje izói siete dígade oro finoína mechera cígido macáfírede. (Afémie mechera cígido mácafírena izói, comíni ñue úíñolle jana.) Afémie afe úíñoraímama bie izói daide:

²Nana o finócafuaína onódícue. O rííredemo táíjídíoza onódícue, naa o comeci járitaiñedeza. Daje izói fiénidíno fiéni illáfuaína iere izire o rairuíllana onódícue. Iemo jíái táinona “Jesucristo orécanodícai” daidínona facátatíoza onódícue. Afemona afémaci taino llúana baitíoza.

³Jaca o comeci járidoñedio, íemo iere cuedo o táíjina llezica cue ícoínia iere duere zefuídíoza. Afe llezica zefuíruiñeno ñue táíjídío. ⁴Mei íadi daa figóñedífueña omo ite. Nano fueñe cue o izíruilla izói birui cuena izíruíñedio. ⁵Ie jira ninómona oni nibéfodo baiídíoza comeci uibi.

Mai omo itífue méidori. Fueñe o illa izói o iri. Bífueña o méidoñenia omo raire bíítícue, omo ite egáñote raa oni óllena. ⁶Mei jíáíífodo, daa ñúefueña nai omo ite. Afe nicolaítas fiéni finócafuaímo naa íaíoi fiéni jíáíífodo llógamo éoícana eróidío. Cue daje izói áfena éoidícue. ⁷Ñuera Joreño Juzíñamuimo jáináidínona dáinamo cacáacadímie áfemo cacai. Afe Ñuera Joreño bie izói daííacade: “Fiénidena anáfenodinona jáídímacína Juzíñamui nífueninanomo ite cáatate amena llizíllana güitátaitícue,” daide.

Esmírnamo ite íínotinomo llogáuai

⁸Daje izói Esmírnamo ite Juzíñamuimo gairídino úíñoraímamo búai cúeiri: “Nanóidímie dáamie ííraímiena ómoímo úrite. Nauí bíniemo

tídimie, íemo meine abido nane cáadimiēna jaide. Afémie ona daide: ⁹Nana o finócana onódicue. Daje izói o duere zefuállana onódicue, naa o ráanina diga. Mei íadi uáfueza Cristo dibénedo iere ráaredio. Jiáimaci fieni omo úrillana onódicue. Afémaci, “Juziñamui nizeca Judíodicai” daidíaiói, mei íadi íeñediaíói. Afémaci dani Taife dibénemo jaináidino. ¹⁰Duere o zefuállemo jacñaiñeno o iri. Mei ómoimona dámerie Taife llavéracomo llavétaiteza, nana omoí facátallena. Daií omoí comeci ifue onóillena facátallíomoiza. Diez dígarui duere zefuiredíomoí. Mei íadi o tñillinomo zóofeñeno ínofireiri. Daií o íadi zúñona cáallena o jirídotaiticue. ¹¹Ñuera Joreño Juziñamuimo jaináidínona dáinamo cacáacadimie mai áfemo cacai. Afe Ñuera Joreño bie izói daíacade: “Fiénidena anáfenodinona jáidimaci nane méifodo tñillamo raamo jiríñeitiaíói,” daide.

Pérgamomo ite ínotinomo llogáuai

¹²Daje izói Pérgamomo ite Juziñamuimo jaináidino úiñoraímamo búuai cúeiri: “Afe nágafene jáirede lloefai llídimie bie izói ona daide: ¹³Nana o finócana onódicue. Afe izói Taife ocuícana cígimo itífoza onódicue. Afénomo itio íadi zóofeñeno cuemo ñue o ínuana onódicue. Daje izói cuemo o ínuana fáicanocaiñedio. Afe izói Antipas mámeciredimie cue ñue jaícina cue uai nabáífredimie. Afémie omoí cígiri fatíaiói. Ie fáinaruido, cuemo omoí ínuana zóofeñediómoí, Taife illánomo itíómoí íadi. ¹⁴Mei íadi cue lletárafuiaina ómoimo ite. Omoimona dáarie jadí Pérgamomo Balaam llófuiana fáicanocaiacañediaíói. Afe Balaam jaiái Balacna llófuete Israel comini fieni fñuallena. Afe Balac Balaam llófuimona Israel comínina jánaraimo fecaca rílleniaina ritátate. Afe dáaruido afémacina iere jirufretade. ¹⁵Nane jiáie cue lletárafuena ómoimo ite. Omoí cígimo dáarie afe nicolaítas lloga uaina féitaiacañedino ite. Afémacina éoidicue. ¹⁶Ie jira mai omoí comeci ifue méidori; mei íadi omoí méidoñenia, raire omoí diga fuirzáibitícue. Uáfueza cue fuémoma bite jáirede lloéfaido omoí fieni finódinona fáziaibitícue. ¹⁷Ñuera Joreño Juziñamuimo jaináidínona dáinamo cacáacadimie, áfemo cacai. Afe Ñuera Joreño bie izói daíacade, “Fiénidena anáfenodimiēna jáitimie afe báinino ite maná daina monámona cocide güillena güitátaiticue. (Bie maná Juziñamui íaiói comécina náiretaillena jana.) Iemo afémiemo úzerede nofítofena fécaíticue. Afe nofítofemo buna óñoñega comue mámecei cuelle. Dama afe nofítofe llínoitimie áfena onóille.” Aquíe izói daide.

Tiatíramo ite ínotinomo llogáuai

¹⁸Daje izói Tiatíramo ite Juziñamuimo jaináidino úiñoraímamo búuai cúeiri. “Juziñamui Jitó ómoimo úrite. Afémie ui irai bóua izoide, íemo

ie éiba ñue queníretaga bronce izói quenírede. Afémie bie izói ómoína daide. ¹⁹Nana omoi finócana onódicue. Cuena omoi izíruillana onódicue, naa cuemo omoi ñnuva diga. Daje izói cue dibénedo ñue omoi táijicaillana onódicue, naa omoi comeci járitañena diga. Fueñe omoi táinia baimo birui jamánomo finócaidiomoi. ²⁰Mei íadi ómoimo daa cue lletárafuena nai ite. Afe Jezabel mámeciredingo llógana rairuíñediomoi. Afengo, “Juzíñamui dibénedo úriticue,” daiífiredo, mei íadi fieni ie llócaigafuedo cue ocuífíreganona jífuete. Afe jífuia uaido íaioina iere jiruúretade. Daje izói jánaraimo fecaca rílleniaina íaioina ritátate áfemo caimátaillena. ²¹Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífúena fáicanocaiacañede. ²²Mei jira birui afémaci afengo finócafuena fáicanocaiñenia, aféngona iere izire iráretaiticue. Daje llezica nana afengo diga jiruúredinona duere zefútaíticue. ²³Afengo úruiaína títaiticue. (Afe úruiai daina afengo llógamo jíeruitino.) Afemona naga come ifoci úrillana, ie comeci ifue diga ñue ícoimo cue onónana, nana Juzíñamuimo gairídino fidiítiaioi. Iemo ómoimona illa dígamie fieni omoi ñnuaze ómoína duere ñnoíticue. ²⁴Mei íadi ómoimona Tiatíramo ite jíáimaci afe Jezabel omoi llófúia fiénide uaina náfueñediomoi. Afe Jezabélmo jaináidino íaioi llófueinana daidíaioi, “Cai llófueina uai Taife ie, iere báinide nai uáfodo ónonidífuiai,” daidíaioi. Afe llófueinana onótañegaomoi. Iemo ómoimo ite nauí cue lloga baímo jíáiena ómoína ócuiñeíticue. ²⁵Daa bie llóitícue: Omoimo ite ñúefuiai ñue rairuiri, nai cue bíñeille dino. ²⁶Fiénidena anáfenodinona jáitínona náiraiái ócuitimacina jóneíticue. Afémaci cue jítainana ñue ícoimo fuitáidino. Ocuille ríno íaioimo jóneíticue, ²⁷mei daí cue Moo cue ocuille rínona cuemo jóneteza. Iemona náiraiaina rífrede lloébici izóidedo riire ócuitiaioi. Iaioimo cacáreacañedinona ícírúai lláia jéenino llairúngotailla izói, afe izói íaioína duere ñnoítiaioi. ²⁸Daje izói monáiracudu iere ebire egáíña izói, afémacina ebire ñnoíticue. ²⁹Ñuera Joreño Juzíñamuimo jaináidinona dáinamo cacácadimie mai áfemo cacai.” Aquíe izói daide.

Sárdismo ite ñnotinomo llogáuai

3 ¹Daje izói Sárdismo ite Juzíñamuimo jaináidino úiñoraimamo búuai cúeiri: “Afe siete dígade Juzíñamui jóriairedimie, ñii afe Juzíñamui Ñuera Joréñoredimie Cristo, íemo afe siete dígade ucúduai llíidimie dáamie. Afémie bie izói ona daide: Nana o finócana onódicue. Crístomo o jainaina izóinado jica jalleide, íadi onódicueza tíidimie izói itio. ²Come cazilla izói mai abina onoiri. Nai omo due jiza fiévide ñnogafuiaiña meine riire finori, mei aféfuiai jae táinocaiacadeza. Eróidicuemo o finócafuiai cue Juzíñamui eróicana ñue jaícina jóiñedeza. ³O fueñe ñnoga íaioi llófuiamo uibíoicairi. Afena jeire o oíri. Afe

llezica o comécimo itifue ñúefuena méidori. O abina ñue onóñenia, merírifiredimie ónonino billa izói, duere omo fñuaibiiticueza. Cue billíruina ónoñeitio. ⁴Mei íadi ómoimona jadí Sárdismo dáarie comécina ñúemacina ite. Afémaci iníroina íaíñedino izoide. Afémaci úzecuiruai jítada cue diga jáitiaioi, mei afe daí íaioimo dúideza. ⁵Fiénidena anáfenodinona jáidino úzecuirona jítaitaioi. Iemo zíñona cáaitino mámeçi cuiánicomona íaioi mámeçiaína dóñeiticue. Iemo daje izói cue Moo Juzíñamui uícomo “Bie cúemaci” dáititcúe; daje izói ie abi imaci ángeles dainámaci uícomo “Bie cúemaci” dáititcúe. ⁶Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

Filadélfiamo ite ínotinomo llogáuai

⁷Daje izói Filadélfiamo ite Juzíñamuimo jaináidino úiñoraímamo búuai cúeiri: “Afe nñifuenidimie omo úrite. Afémie uáfueña úrifiredimie. Afémiemo jaiái illaíma David naze tuiñora llave ite. Afémie Juzíñamui illáimana illano tuiñóadi buna íbáinide. Daje izói afémie íbáia, buna zuitánide. ⁸Bímie bie izói ona daide: Nana o finócana onódicue. Buna íbáinide túide naze o uieçori jóneticue. Mei figo mairíñedio, íadi cue uaina náfuetio; cuena jaca jáanofinidío. ⁹Iemona Taífemo jaináidinona o anamo caiñícido ana íaioi dújutano óreiticue. Afémaci táinona úrillano bie izói daífirediaioi: “Caí bie Juzíñamui nizeca judíuaídicaí” daídíaioi, mei íadi íeñediaioi. Nana baimaci o anamo dújutaiticue, íemona ona cue izíruillana fídítiaioi. ¹⁰Cue ocuica uai jeire o úamona aféuai daina izói comécina járidoñedio. Ie jira nana bñiemo bite facátalliruimona ona ñue ráiruiticue. Aféruido nana bñiemo ite comini facátalliaioi. ¹¹Raire biticue. Omo ite ñúefuiai ñue rairuiri, o jirídolle raa bu báiroñeilleza. ¹²Fiénidena anáfenodinona jáitinona cúeiena máíñoitcúe. Máíñuano cue Juzíñamui gairíracomo ite mairide jáillirai izói íaioína óreiticue. Iemona Juzíñamui illánomona jaca jino jáíñeitiaioi. Iaioimo cue Juzíñamui mámeçi cúeiticue. Daje izói cue Juzíñamui jofue mámeçi íaioimo cúeiticue. Afe jofue mámeçi “Comue Jerusalén.” Afe jofue cue Juzíñamuimona caífo monámona ana bite. Daje izói afe fiénidena anáfenodinomo cue comue mámeçi cúeiticue. ¹³Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

Laodicéamo ite ínotinomo llogáuai

¹⁴Daje izói Laodicéamo ite Juzíñamuimo jaináidino úiñoraímamo búuai cúeiri: “Uáfueña llotímie omo úrite. Afémie jaícina uai nabáifiredimie; daje izói jaca méidoñeno uáfueña úrifiredimie. Afémie nana Juzíñamui finócana tainéraíma. ¹⁵Afémie bie izói ona daide: Nana o finócafuaiána

onódicue. Ráairuillano figo o íñoñenana onódicue. O ínoga ñue uzírediji izoíñede. Daje izói o ínoga caimare mánaidiji izoíñede. Ñue o uzírenana jitáidicue, nibai jíáifodo o mánainana jitáidicue. ¹⁶Mei íadi jabo uzírediji izoídi. Iemona jabo uzírediji jino tua izói ona jino dótaíticue. ¹⁷Bie izói daífiredio: “Ráaredimiedicue,” daíidio. Iemo “Nana cue illafue ñue jóide. Cue jitaica raana ñede,” daífiredio. Mei íadi jíáifodo o íllana onóñedio. Juzíñamui eróicana bu cáimadoñegamiedio. Iemo daje izói iere duere zefuíttagao, íemo iere dúeredimiedio, íemo uina cóiñedimie izoídi. Iemo jíái incuironino emuíromade izoídi. Afe bie izói o íllana jaca onóñedio. ¹⁸Mei jira omo llóitícue, “Iraimo ñue finoca órona cúemona íba, uáfuenta ráaredimiena o jáillena. Daje izói cúemona úzerede incuirona íba, o meáire emuíromana íbáillena. Daje izói ui manórajina cúemona íba, o uimo jóoniamona ñue o cóillena. ¹⁹Nana cue izíruiganona lletádicue; daje izói íaioina duere finódicue ñue íaioi íllena. Mei íemona Jesucrístomo izire o jaináicaillano, iere o ínofireiri. O comeci ífuiái méidori, ona duere cue fínoiza. ²⁰Ero cacai, come comeci naze ízoinamo iticue. Dinómona jíiritícue. Cue uaimo cacáreitímie ie naze tuiñóadi cue llínollena, afémie illánomo jofo jáitícue. Jaillano dájena afémie díga nabáiritícue. Daje izói conima díga caimare úritícoco. ²¹Fíénidena anáfenodínona jáitínona, illáimana cue ráiiranomo afémiena cue díga ráitaitícue. Mei daíí fíénidena cue anáfenuamona cue Moo illáimana ráiiranomo ráinazaidicueza. ²²Ñuera Joreño Juzíñamuimo jaináidínona dáinamo cacácadimie, mai afemo cacai.” Aqué izói daide.

Monamo Crístomo lloga cáimafuiai

4 ¹Bie méifomo éroidicue, monamo ite naze túinana ciódicue. Fueñe cue cacana uaina meine nane cacádicue. Afe uai vudugoí ficírena izói cacaide. Afe uai cuena daide:

—Caifo benomo bi. Bífuiái méifomo raire cómutifuiaina omo ácataíticue, —daide.

²Afe llezica Ñuera Joreño anamo itábicaidicue. Iemona monamo ite illaíma ráiiranona ciódicue. Afénomo dáamie ráiinana ciódicue. ³Afémie iere quérede ‘jaspe’ daina ráífide nofíji izói éroide. Aféjina jíáifo daina ‘cornalina.’ Afe ráiirano abido rózígüeo nágafene ífoina ite. Afe rózígüeo ‘esmeralda’ daina ráífide nofíji quenírena izói quenírede. ⁴Iemo afe ráiirano abido veinticuatro díga jíáie illaíma ráiiranuaina nágafene ífoina íllana ciódicue. Afénuaímo veinticuatro díga mona ero ocuide éicomíni ráiidiaioi. Afémaci úzerede iníroillai jitádiaioi. Iaioi ífomo oro finoina illaíma jitáfiregacuífoi jíiena. ⁵Afe áillue ráiiranomona aillo boride. Afe llezica afénomona iere ficire mona gíría cácaide. Iemo afe ráiirano uícomo siete dígade áillue bobáieniai bóoide. Afe siete díga bóoide bobáieniai Juzíñamui Ñuera Joreño jana. ⁶Dáanomo afe ráiirano uícomo,

daa monáillaina eroide illa. Afe monáillai anáfenemo ñue cíoide vidrio izoide.

Afe ráiirano abido cuatro diga cáadimiiai ífoina itáiaoi. Afémaci erófenemo aillo újjaí ite. Daje izói emodo dibénemo ite. 7Bimácimona daa jánallarina eroide. Iemo jíáie juráreto ífona eroide. Iemo jíáie uíeco, come uíecona eroide. Iemo jíáie feede máajaiñona eroide. 8Afe cuatro diga cáadimiiaimo illa dígamíemo seis diga íaicuai ite. Afe íaicuai erófenemo újjaína oruide; daje izói emódo dibénemo ite. Afémaci mona naio diga llíicaiñeno úritiaioi; Juzíñamuina daiíoidiaioi:

¡Here íaifuenidio! ¡Here íaifuenidio! ¡Here íaifuenidio!

¡ere ñuera cai Ocuíraimadio.

Jamánomo ríinorede Juzíñamuidio.

Jaca nanómona ítmiedio,

Iemo nai birui ítmiedioza,

Iemo uire jaca ninomo zíñona íitimiedioza, —daií daiíofirediaioi.

9Illa dígacaiño afe cáadímaci, ráiiranomo ráiide Moo Juzíñamuimo ebíredífue nitáadi, íemo ñúefue jóoneadi, íemo jíái figora íena dáiiadi, 10afe llezica afe veinticuatro diga ocuide éicomini áillue ráiiranomo ite Juzíñamui anamo dújufirediaioi. Iemo afe jaca ninomo zíñona ítmiena caimátaidiaioi. Afe llezica íaioi oro finoína illaíma ífo icuífuai ráiirano úcomo jónefirediaioi. Jóneta daiífirediaioi:

11 Cai Ocuíraíma Juzíñamui,

¡ere ebíredífue omo nitáregaza,

Daje izói ñúefuai omo jónefíregaza.

O jamánomo ríinorenana omo nitáregaza.

Nana aféfuiai ona náamaredeza.

Mei naga ráaniai o comuítaga.

Iemo o comeci jítaina izói itáioiza.

Daje izói o comeci óiacanamona finócaiaioi.

Aquíe izói daiífirediaioi.

Ráiidímie llíiga rabénicono cíódicue naa Cordero dainámie Cristo diga

5 1Afe méifomo illaíma ráiiranomo ráiidímie nabézimo ite rabénicono cíódicue. Afénico ferínoga rabe. Erófenemo cuega, daje izói jinófenemo jíái cuega. Afénico siete diga sello daína ñue íbaira raado íbaica. 2Iemo ríirede ángel daína Juzíñamui abi ímiena cíódicue. Afémie ficírede uaido jicánofírede; daide:

—¿Bie sello mei cuatállena bu ñuena? ¿Bumo ñue dúide binico tuiñóllena? —daide.

3Mei íadi afénico tuíñoitímiena íñede. Caífo monamo íñede. Bíníemo íñede, íemo bíníe anamo tídíno illánomo jíái daje izói íñede. Daje izói afénícomo buna eróinide afe facádollena. 4Afénico tuíñoite comécina

ñüemiena baiñenamona iere éedicue. Daje izói afénico facádoitimie iñenamona, íemo jiái afénicomero eróillano ónoitimie iñenamona, iere éedicue. ⁵Iemona veinticuatro diga eicomínimona dámie cuena daide:

—Mai benómona éeñeno o iri, mei Judá nairai illaíma Jánallarina mamécámie, fiénidena jae ñue anáfenotateza. Afémie jaiái illaíma David erófene igímamona comuídímie. Afe ie anáfenuamona afémie binico tuiñolle ríino ote. Daje izói afe siete dígade sello cuatalle ríino íemo ite, —daide.

⁶Iemona afe ráirano cígimo, íemo afe cuatro diga cáadimiái cígiri, íemo afe veinticuatro diga éicomini cígimo, Cordérona mameca Crístona ciódicue. Afémie táide, mei íadi Juzíñamuimo fia fecállena ie íaiói fáina meifo cíoides. Afe Cordero siete diga zícairede, íemo ie ui siete dígade. Afe siete dígade uíjiai naga éñiaímo oreca Juzíñamui Ñuera Joreño jana. ⁷Afe Cordero illaíma ráirano ríiidímie nabézimo ite rabénicono llíinuaide. ⁸Afémie afénico llíinua llezica afe cuatro dígade cáadimiái, íemo afe veinticuatro dígade ocuide éicomini afe Cordero anamo dújudiaíoi. Afe eicomínimona illa dígamie ‘arpa’ daina rua roia taiga raa llíiediaíoi. Daje llezica afémaci oro finoína ugúciaina oruide ichecoí llíidiaíoi. Afeniaí Juzíñamuimo jaináidino afémiemo jicara uaillai jana. ⁹Afe éicomini bie comue rua rotíaíoi:

O iere comécina ñüemienamona bie rabénico llíinota tuiñolle omo dúide.

Mei nauí Juzíñamuimo fatá fecácamedioza.

Caina o die tóillado Juzíñamui íena ibádioza.

Uáfueña nágaziemona,

Iemo nana jíáifo úritinomona,

Iemo naga comini jófuiaimona,

Iemo nana náiraiamona Juzíñamui íena caina ibádioza.

¹⁰Cai Juzíñamui ie illáinina caina jáitatio;

Daje izói comínido Juzíñamuimo úrifreitinona caina jóonetio;

Iemona énie náiraiaina ócuiticai.

Aquíe izói rotíaíoi.

¹¹Afe mei eróidicue. Iemo aillo afe illaíma ráirano ífoína ite ángeles daina Juzíñamui abí imaci úrilla uaina cacádicue. Daje llezica afe cuatro diga cáadimiái uaina cacádicue. Iemo dáaruído éicomini uaina cacádicue. Afe Juzíñamui abí imaci iere jamánomo aillo itíaíoi. Ua millones y millones dáinaze itíaíoi. ¹²Afémaci fícirerie úritiaíoi; daidíaíoi:

Fatá Juzíñamuimo fecaca Cordero comécina iere ñüenamona ñuera ríino maiñolle afémiemo dúide.

Daje izói aillo ráifide ráaniaí dáamiemo dúide.

Iemo ifoci déillafuiai dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

¹³Afe llezica nana Juzíñamui comuítaganuaii úrilla uaina cacádicue: nana monamo itíñuaii, daje izói éniemo itíñuaii, daje izói énie anamo itíñuaii, daje izói monáillaimo itíñuaii, naa afénuiaimo itíñuaii úrilla uaina cacádicue. Daidíaioi:

Nana caimátaille uallai illaima ráiiranomo ráiide Moo

Juzíñamuimo íredeza,

Daje izói jíai Cordéromo íredeza.

Afe izói ñúefue afe íaillinoimo nitáredeza, naa ñuera ébifue diga,

Iemo ñuera ríno íaillinoimo íredeza.

Nana aféfuiai íaillinoimo nana fimónaiaido, jaca ninomo zíñona daí daiírenaza.

¹⁴Iemo afe cuatro diga cáadimíai aiáirilla izói daidíaioi:

—iDaiítadeza! —daiíofirediaioi.

Iemo afe veinticuatro dígade écomini ana dújuillano, jaca ninomo zíñona cáadimiemo caimátaióifirediaioi.

Siete dígade sello daina rabénico ibaira rafue

6 ¹Cordero afe siete dígade séllomona nánora tuíñuana ciódicue. Daje llezica cuatro dígade cáadimíaimona dáamie dáinana cacádicue. Ie úrilla uai, mona gíría ficírena izói ficírede. Daide:

—Mai eróizaibi, —daide.

²Cue eroilla llezica úzerede cabállona ciódicue. Afe emódomo ráiicaidimie zicuirá llícaide. Iemo illaima ifo icuífoina ie jítádiaioi. Jita mei afémie naga náiraina anáfenocana jaide. Ie mei nágaruillaído afémie íaioina anáfenofiredi.

³Méifoide séllona Cordero cuata llezica, tórona éroide cáadimie úrillana cacádicue. Afémie:

—Mai eróizaibi, —daide.

⁴Afe llezica jíairede caballo jino bíllana ciódicue. Afe emódomo ráiicaidimiemo féitalle ríno afémiemo iga. Afémie nana nairai caimare uái illa féitaite, comini conímána fazítallena. Afe llezica áillue lloébicina afémiemo iga.

⁵Iemo Cordero nane jíaié tercer daina sello cuata llezica, jíaié cáadimie úrillana cacádicue. Afémie:

—Mai eróizaibi, —daide.

Jira eróidicue. Eróidicuemo daa jítirede cabállona ciódicue. Afe emódomo ráiicaidimie mérenana onóillena facara raa llícaide. ⁶Iemo cáadimíai cígimona dáamie úrilla uai cacádicue. Aféuai daide:

—Daa kilo trigo daa mona táijina fidi. Iemo daámani kilo cebada daa mona táijina fidi. Iemo aceite vino diga jaca jeruúdeza, mei afe iballe úcube iñédeza, —daide.

⁷Afe mei Cordero jíáie ‘cuarto’ daina sello cuata llezica, cáadimíaimona íraímie úrillana cacádicue. Afémie:

—Mai, eróizaibi, —daide.

⁸Eróidicueмо borárede cabállona ciódicue. Afe emódomo ráiicaidimie titáfiredimie dainámie. Afémie ódana tídino illano jana maméidimie bite. Enie cuatro diga fecácamona dáanie íemo iga, afénomo riire ocuállena. Afénomo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúcuaido íaioina tícoizitaite. Iemo éniemo ite illáirede rílleníai íaioina tícoizitaite.

⁹Afe mei Cordero jíáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comini coméciaina ciódicue. Afémaci Juzíñamui uai llócailla ícoínia titácaiaioi. ¹⁰Afe bimaci ficire úritiaioi; daidíaioi:

—Íaifuenide cai Ocuídímie, uícodo o llógana méidoñeno ñue fuitáfiredio. Eniemo ite cai titádino iere jicánota duere o finóllena, ¿nié dinó nai mozíñoitio? Cai fatino iba o ollirui, ¿nígarui nai bai dúíñoitio? —daidíaioi.

¹¹Mei jira afe altar anamo itímaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tñilla izói uire titállino, Juzíñamui mámanomo nai dúciñede. Afe titállino, nauí íaioi titaca ámatiaí izói, Cristo uaimo táijífirediaioi.

¹²Cordero nane jíáie ‘sexto’ daina sello cuata llezica, eróidicueмо, énie iere jacire docaide. Iemo jitoma zúunaillana, jítaca jítiroi izói éroide. Afe llezica fiui náauina jáirede die izói méidoficaide. ¹³Afe dáaruido mona ero ucúduai cocídiaioi. Ua, higuera daina amena llizilla, jairifo riire begiñuamona cócia izói, afe izói ucúduai ana bíñiemo cocídiaioi. ¹⁴Afe llezica, rabe jofe ferfírioicailla izói, mona ferfírioicaide. Iemona cióbicaíñena. Iemo dáaruido nana caifóneduai naa monáillai cigi íduai íaioi illánomona oni jírecaide. ¹⁵Iemona nairai illaini caifóneduai anamo ite ífuaimo, naa jéerie nofíciái cigiedo retáiritiaioi. Afénomo jamánomoidino daje izói retáiritiaioi. Iemo aillo ráanaitino, íemo fuiríraini illáicomini, íemo iere ríredínuaí, íemo nana jacire rairuícano, daje izói buna ráiruiñegano, nana afénomo retáiritiaioi. ¹⁶Afémaci caifóneduaina jéerie nofíciaina daífirediaioi:

—¡Mai caimo baii! Mai caína jiita, baie illaíma ráíiranomo ráíide Juzíñamuimona caína rétaido. Cordero finolle jacire cai duere finóllifuemona caína rétaido, —daífirediaioi. ¹⁷Mei jii, iere jacire comini duere finóllirui jae dúcidez. ¿Bu mei áfena mozíñorena?

Israel náiraimona náamana onóillena cuezámaciai

7 ¹Bie méifomo bínie fuédaiaimo cuatro dígade ángeles daina Juzíñamui abí ímíai, naidáienana ciódicue. Afémaci

nágafeniaimona jairifo jáiñuana moziñotiaioi. Afe éniemo jairífona jáiñótañediaioi, daje izói monáillaimo jáiñótañediaioi, íemo jíái aménaiaimo jáiñótañediaioi. ²Iemo jíáie Juzíñamui abi ímiena mona móimona bíllana ciódicue. Afémie caade Juzíñamui íeie daiíllena sello daina jóonelle raa llíicabite. Afémie ficire úrite. Enie fuédaiaimo cuatro diga naidáidimíiaimo úrite. Afémaci bínie fieni íaioi finolle, naa monáillai diga ríinona igámaci. Afémacina bímie daide:

³—Cai Juzíñamui ocuífireganomo, íaioi ozócimo náamana onóillena mámecí nai jóoneñena llezica, nai bíniena duere finóñeno iri. Daje izói monáillai naa aménaiai raire duere finóñeno iri.

⁴Jóonia mei, nígamaci náamana onóillena mámecina jóonegano íaioi número na cacádicue. Nana Israel náiraímo itíziaimona afe cuegano ciento cuarenta y cuatro mil dígade.

⁵Judá izíemona doce mil diga cúefide.

Iemo Rubén izíemona doce mil diga cúefide.

Iemo Gad izíemona doce mil diga cúefide.

⁶Iemo Aser izíemona doce mil diga cúefide.

Iemo Neftalí izíemona doce mil diga cúefide.

Iemo Manasés izíemona doce mil diga cúefide.

⁷Iemo Simeón izíemona doce mil diga cúefide.

Iemo Leví izíemona doce mil diga cúefide.

Iemo Isacar izíemona doce mil diga cúefide.

⁸Iemo Zabulón izíemona doce mil diga cúefide.

Iemo José izíemona doce mil diga cúefide.

Iemo Benjamín izíemona doce mil diga cúefide.

Aillo dáanomo úzecuiruai jítada gairídino

⁹Afe méifomo eróillano jamánomo aillo comínina ciódicue. Nana náiraiaimona dáanomo bitíaioi. Daje izói nágaziemona bitíaioi. Iemo daje izói jíáífo úritinuaiaimona bitíaioi. Iemo daje izói naga jófuaiaimona bitíaioi. Nana bimaci illaíma ráíirano uícomo naidáidiaioi. Daje izói Cordero uícomo naidáidiaioi. Afénomo aillo itíaioiza buna facádonide. Nana afémaci úzecuiruai jítáoidiaioi. Daje llezica afémaci rafóruai llíiediaioi. ¹⁰Nana fíicirerie daidíaioi:

Cai jíllonano, illaíma ráíiranomo ráíide cai Juzíñamuimona comuide.

Daje izói cai jíllonano Cordéromona comuide, daidíaioi.

¹¹Afe llezica nana Juzíñamui abi imáciai, illaíma ráíirano onido ífoina naidáiediaioi. Daje izói veinticuatro dígade éicomíni onido ífoina naidáiediaioi. Iemo jíái cuatro diga cáadimíiai onido ífoina naidáidiaioi. Afémaci afe ráíiranomo ráíidimie anamo éniemo fueco diné bíjicaidiaioi. Bíjicaillano Juzíñamuimo caimátaidiaioi. ¹²Daidíaioi:

iBie izóideza! Ñúefuiai nitalle cai Juzíñamuimo dúide, ñue ebíredifuiái dîga.

Daje izói nana ñue onóigafue íemo dúide, naa figora daiífirena dîga.

Daje izói afémiemo nitárede ñúefue dáamiemo dúide, naa áillue máirie dîga.

Nana bífuiái cai Juzíñamuina jaca ninomo zíñona daií daiírenaza.

Aquíe izóideza, —daiíaiói.

¹³Afe mei afe eicomínimona dáamie cuemo jicánote:

—¿Baie buoi úzecuiruai jítáoina? ¿Afémaci mei ninena bitíaiói?

—daide.

¹⁴Jira íena daidicue:

—Afena onóñedicue. O ñue onódio, —daidicue.

Iemo afémieme cuena daide:

—Bimaci aillo duere zefuilla ícoimo jino bitino. Afémaci comécina iere íaifuenino íaiói íllena ja Cordero díedo muiñócaza. Afémaci iere úzecuiro ínícuiro illa izói itíaiói. ¹⁵Ie jira Juzíñamui ráiirano ucomo itíaiói. Afe llezica nágaruillai, mona naio dîga, Juzíñamui gairíraco ero ie ocuíllana finófirediaíaiói. Iemo afe ráiiranomo ráiide Moo Juzíñamui, íaiói dîga íllado jácífueмона íaíoina ráiruute. ¹⁶Afémaci jaca júbiemona duere finóbíñeitiaíaiói. Daje izói jirócanari duere zéfuiñeitiaíaiói. Iemo jítoma íaíoina jíái úzitañeite. Daje izói uzíredíruimo mona uzírena íaíoimo uzire cácañeite. ¹⁷Mei illaíma ráiirano abímo ite Cordero, ovejai uíñua izói íaíoina uññoiteza. Afe llezica ñuera jainoi jino toránuaido íaíoina ífóicaite. Afe jainoi zíñona cáatatíji. Iemo afémaci éeadi Juzíñamui íaiói ui jeme nana oni dóite.

Iraíe sello cúatajana cioide, oro finoína uguci uillítara dîga

8 ¹Iemo Cordero llíga rabénicomo ite íiraíe sello daina íbáioide raa cuata llezica, daa hora átuedo mona tíi daiíñoacaide. ²Afe mei siete dígade Juzíñamui abí imaci Juzíñamui ucomo naidáienana ciódicue. Afémaci siete dîga vudugoi izoide raana igáiaíaiói. ³Afe mei jíaíe ángel dainámie Juzíñamui abí ímie oro finoína uguci uillítara llícabillana ciódicue. Afémie altar daina Juzíñamui caimátairano ucomo naidaide. Iemo aillo ugúciai afémiemo fecácaza, áfena Juzíñamuimo uillítallena. Mei nana Juzíñamuimo jaináidíno afémiemo íaiói jicáfírena uallai llua llezica, bímie dáanomo afe ugúciai Juzíñamuimo uillítateza.

Afe Juzíñamui ráiirano ucomo ite oro finoína ie caimátairanomo, bímie afe ugúciai jutade; íemo afe llezica afe Juzíñamuimo jaináidíno jicáfírena uallai llócaigaza. ⁴Afe uguci uillie, Juzíñamui abí ímie áfena altarmo juta mei, Juzíñamui uíecomo caífo uillífoicaide, nana Juzíñamuimo jaináidíno jicáfírena uallai dîga. ⁵Afe mei Juzíñamui abí ímie uguci uillítara raa llínote. Llínuano altármona oga caade iráiciaína

áfena oruítate. Daií fínuano ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

Siete dígade vudúgoína eroide raa

⁶Iemo afe siete dígade vudúgoína eroide llíde Juzíñamui abi imáciai afe vudugoi fúunollena maméritiaoi.

⁷Nanóidímie fúunua llezica, jéerie nocíjiaí éniemo cocítate. Afe dáruido réici diga die taméricaide éniemo cocítate. Afe cóciamona éniemona jarífenie boode. Daje izói nana aménaiaimona jarífenaiai boode. Daje izói nana caade ráitiaimona jarífene boode.

⁸Afe meífo Juzíñamui abi ímie ie vudugoi fúunua llezica, boode áillue íduna éroide raa monáillajimo dotaina. Iemona monáillajimona jarifeido díena jaide. ⁹Afemona nana afénomo ite caade chámuniaimona jarífeniaí aillo tícoizitiaoi. Daje izói afénomo ite jéerie bárconiaimona jarífenedo aillo niné táinocaidiaoi.

¹⁰Iemo jíaie Juzíñamui abi ímie ie vudugoi fúunua llezica, áillue ucudu monámona éniemo baiíde. Afe ucudu bobaie izói boode. Afe bóodicudu nana imánillaimona jarífemanimo baiíde. Daje izói éniemona jainoi jino toránuaímo baiílla. ¹¹Afe ucudu mámece Eríredicudu. Iemona nana imánillaimona jarífemanillaí eríriede. Iemona afe jainoi erire jáillamona aillo comini tíidiaoi.

¹²Ie mei nane jíaie Juzíñamui abi ímie ie vudugoi fúunua llezica, jítómamona jarífetomado jítirecaide. Daje izói fiuímona jarifeuido jítirecaide. Iemo jíaí ucúduaimona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio diga jarífemonana egáíñoñediaoi.

¹³Afe méifomo caífo monamo éroidicue. Afe mona erodo feede Juzíñamui abi ímiena cacádicue. Afémie ficire úrioicaide. Daide:

—Aii. Eniemo ite comini níi dúerena; mei Juzíñamui abi imácimona daámami nai fiévide vudugoi fúunollena. Afémaci fúunua llezica énie imaci, iNíi duere zéfuitiaoi! —daide.

9 ¹Iemo nane jíaie Juzíñamui abi ímie ie vudugoi fúunua llezica, daa ucudu monámona éniemo baiíllana ciódicue. Iemo fiénide jóriaí ibáirafo zuitara llave afe ucúdumo iga. ²Afemona afécudu aféfonta tuiñode. Tuíñuamona aféfomona jacafai bóua uíllia izói caífo uillide. Aféfomona caífo uillide uíllie jítómamona dúitate. Afe llezica mona erona jítire finode. ³Afe uílliemona bíniedo feede fúuai comuide. Afémaci, éniemo ite acáiduai izói molléroirediaoi. ⁴Afémaci ráitie güíllena rairuícaiaoi. Daje izói nana amena rábiaína guitátañegaaiaoi, naa jíaie mócore zicode ráaniai diga. Daa comini duere finóllena orécaiaoi. Mei íadi dani Juzíñamui ie daítate mámece ozócimo cúeñeganona, afe

fíuái duere fínoítiaíoi. ⁵Mei íadí afe fíuái comínina títatañegaiaíoi. Mei jíáífodo afémaci cinco díga fíui comínina izi cácataitiaíoi. Afe fíuái mailla, acaido come mailla izói izíreite. ⁶Iemona aféruillaido comini, “Raire cue tílli” dáititiaíoi, mei íadí tíñeítiaíoi. Iere tífacaitiaíoi íadí, titáfírede raa afémacimona oni jica jáite.

⁷Afe fíuái jóbairizaillena mamérilla cabállona eróidiaíoi. Iaiói ifócimo oro finoina illaíma ifo icuífoína éroide jíina. Iemo íaiói uíeco come uíeconá éroide. ⁸Iaiói ifótii ringo ifótiina éroide. Iaiói ízie ‘león’ daina jánallari íziena éroide. ⁹Iemo llojécuiroi izoide abi ríidote icogí íaiói jogóbemo jíide. Iaiói féeoína jamánomo ficírede. Uafue, jóbairizailla caballo zonóicaiga ‘cárroñia’ ficírena izói ficírede. ¹⁰Iemo afémacimo ite ooda acaido ooda izói molléroirede. Afe óodamo cinco díga fíui comini duere finolle ríino ite. ¹¹Afe fíuái illaíma ite. Afémie fiénide jóríai íbáírafo úiñotimie. Afémie mámecei hebreo uaido Abadón; íemo griego uaido Apolión. Afeci daííacade “Niné táinocaitaimie.”

¹²Nanoide jacire izi cacánafue jae záaide. Mei íadí nai mena fiévide.

¹³Iemo nane jíáie Juzíñamui abi ímie ie vudugoi fúunua llezica, Juzíñamui uícomo ite oro finoina altar daina afémiemo caimátairanomona úrilla uaina cacádicue. Afe uai afe caimátairanomo ite cuatro dígade caífo fáíide zicai cígimona cácaide. ¹⁴Afe uai jae vudugoi fúunote Juzíñamui abi ímiena daide:

—Afe cuatro dígade Eufrates imani abímo cuinaca ángeles izóidino mai zuitari, —daide.

¹⁵Jira zuitácaiaíoi, nana comini jarífenairaido titállena. Mei aféruimo dúcinamona bai óllena eneno mamécaiaíoi. Daje izói biruimo dúcinamona mamécaiaíoi. Daje izói bie fíui fena mamécaiaíoi. Iemo daje izói bie fimona íena mamécaiaíoi. ¹⁶Afe cuatro díga ángeles ocuíllino aillo ite. Nana afémaci cabálloniai emódomo ráíiediaíoi. Iemo afémaci dígadíaíoi dáinana cacádicue. Afémaci doscientos millones dígadíaíoi.

¹⁷Bie izói éroide cabálluai nicaído ciona izói ciódicue. Afe cabálluai emódomo ráíidino jogóbiaímo llojeco jítaóidiaíoi. Afe llojécuiromo jáire, mócore, borare cueda. Iaiói cabálluai ifo ‘león’ daina jánallari ifona éroide. Afémaci fuémoma irai izói jino bite, íemo uíllie bite, íemo daje fuémoma nairai iere uzire cóonaitalle raa jino bite. ¹⁸Afe cabálluai fuémoma bite daámani jacire táinocaitate ráamona aillo nairai fuite. Uafue, nana comínimona jarífenairai tíidiaíoi. ¹⁹Daje izói afe cabálluai óodamo jacire títaite ríino ite, mei afe ooda jaiona eróideza; ifóredeza. Afedo comínina ainízicana uite.

²⁰Mei íadí tíidínomona fiévidino, baie daámani jacíredemona tíínedino, íaiói finófireiga fiénidífuaí féitaacañediaíoi. Daje izói fiénide jóríaimo caimátaitajana fáicanocaiñediaíoi, naa jíáíforie finoca jánaraiaína. Dáarie afe jánaraíai oro finoina, jíáie plata finoina, jíáie

bronce finoína; íemo jiáie nofici finoína, íemo jiáie amena finoína. Nana bie jánaraiai jaca ciõñede; daje izói minícana cacáñede, íemo daje izói macáñede. ²¹Afe fiébidino jiáimaci méiniana fáicanocaiñediaioi. Daje izói jiáima fue gáiana fáicanocaiñediaioi. Daje izói íaioi jiruirenana féitañediaioi. Daje izói íaioi merírifirenana féitañediaioi.

Daa ángel dainámie Juzíñamui abi ímie duera rabénico llíide

10 ¹Afe méifodo riirede Juzíñamui abi ímie monámona ana bíllana ciódicue. Afémie uíllie cígido bite; íemo afémie ífomo rózigüeo izoide jíina. Ie uíeco jitoma egáñua izói quenírede. Iemo ie ídai boode jáillirai izói éroide. ²Afémie daa duera rabénico tuiñoda llíide. Ie ídai nabezi monáillaimo bitade, íemo ie jarífezi éniemo bitade. ³Iemo jánallari ficire irilla izói ficire úrite. Afémie úrilla mei, mona siete dígacaiño giride; ie gíría come úrilla izói cácaide. ⁴Afe siete dígacaiño mona gíría llíicaila mei, íaioi daina uailai cúeiacadicue. Mei íadi cúeiacadicuemo monámona daa uai cuemo úrillana cacádicue; daide:

—Afe siete dígacaiño mona gíría uailai rabemo cueñeno iri; báinino comécimo o jóneri, —daide.

⁵Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zitáuide. ⁶Afe llezica zíñona ite Juzíñamui mámece llíinuano riire úrite. Afe dáaruído énie comuítatímie mámece, daje izói monáillai comuítatímie mámece, íemo nana afénomo ite cáadinuai comuítatímie mámece llíinota riire daide:

—Benómona jaca ja móziñoñelleza. ⁷Jabe siete dígademona íraímie Juzíñamui abi ímie ie vudugoi fúunolliruimo dúcille llezica, Juzíñamui jica ia comécido báinino mamécáfue, ñue ícoimo zaite. Daí Juzíñamui ie uai jino llórainimo jaiai uécodo llote. Afémaci dani ie ocuífíregano, —aqué izói daide.

⁸Nauí monámona cue cacana uai nane meine cuemo úrite. Cuena daide:

—Afe éniemo monáillaimo naidáidímie ónoimo ite túide duera rabénico mai llíinuai, —daide.

⁹Jira afe Juzíñamui abi ímiemo afe duera rabénico jícajídíicue. Jicádicuemo afémie cuena daide:

—Llíinota mai güi. Afe duera rabénico o fuemo cíji naimérena izói cácaite, mei íadi o jébemo erire cácaite, —daide.

¹⁰Mei jira Juzíñamui abi ímie ónoimona afe duera rabénico llíinota güítíicue. Güítíicue cue fuemo cíji izói naimere cácaide. Mei íadi afe ja cue güilla méifodo cue jébemo erire cácaide. ¹¹Afe mei cuena daidíaioi:

—Juzíñamui daina aillo comini jófuiaimo cómutífuiai, meine dáanomo llóredioza. Daje izói aillo náiraiaina Juzíñamui dáinana llóredioza. Iemo daje izói jiáíforie úritinona Juzíñamui dáinana

llóredioza. Iemo jiái aillo illáinina Juzíñamui dainana llóredioza, —aquíe izói daidíai.

Uai nabáifirede íaillinoi

11 ¹Afe mei ápera rázina cuemo itíai. Afezi jofu facáradozina eroide. Afezi cuemo fécano cuena daidíai:

—Mai náidacaillano dama Juzíñamui gairíracu nie dinóride fácaji. Daje izói Juzíñamuimo caimátairano o fácaji nie dinóride. Afe llezica afénomo nieze afémiemo caimátaidimacina ite mai fácado. ²Mei íadi afeco jinófebiri facáñeno o iri; mei afeno jicánemacimo dúideza. Afémaci Jerusalén daina íaifuenide jófuená cuarenta y dos diga fluído fieni anáfenoitiai. ³Iemo cue dibénedo úrillena uai nabáifirede íaillinoína óreitícu; come zuure ia jítaca jíticuro, jítaitaillinoi. Afe íaillinoi mil doscientos sesenta dígaruillai cuendo úritiaillinoi. (Afe mil doscientos sesenta dígarui, cuarenta y dos diga fui.)

⁴Bie cue uai nabáifirede íaillinoi ménade olivo amena izóidiaillinoi. Daje izói afe íaillinoi bñie comúate Juzíñamui uícomo jónega mena boode áillue lámpara izóidiaillinoi. ⁵Dáamie íaillinoína fieni finóacaniadi, afe íaillinoi fuémona irai oréidiaillinoi, afe íaillinoi fáiacadinona náamiéna cuarítallena. Nana íaillinoína fieni finóacadinona daí títaiteza. ⁶Bie cue uai nabáifirede íaillinoimo monámona noci bítañede ríno ite. Afe íaillinoi Juzíñamui dibénedo úricaille dinó, nocina bítañeitiaillinoi. Daje izói jainoi dñena ória ríno íaillinoimo ite. Iemo jiái comíni duere fñoite nana jacírede duico comúata ríno afe íaillinoimo ite. Afe íaillinoi comeci óiacana dinori comíni duere finórediaillinoi. ⁷Mei íadi afe íaillinoi tájjina fuilla mei, iere jacire éroide caade rille afe fiénide jória íbáirafomona jino bite. Jino billano afe íaillinoi diga fúirite. Fuiríllano íaillinoína anáfenoite. Anáfenua mei íaillinoína títaite. ⁸Iaillinoi túlle mei, cai Ocuíraima coráinanomo, nii afe Jerusalemo, afe áillue jofue cigi iomo, íaillinoi tñide abí fiénocaigaiaillinoi. Afe jofue mámece, fieni íllana onótate uaido Sodoma daina. Daje izói jiái Egípto daina. ⁹Iemo daruíamani átuédo diga jófuiái nairai afe íaillinoi abí túllamo acáritiaoi. Iemo íaillinoi abina raitátañeitiaoi. Daje izói dígazie íaillinoi abí bñinamo acáritiaoi, naa jíífodo úritinuiari. ¹⁰Bíniemo ite comíni afe íaillinoi túllari iere íobidiaoi. Daje izói caimare íitiaoi. Afe caimare íaiói íllamona conímamo ráaniaína raiñóñeno fécaitiaoi. Mei afe íaillinoi Juzíñamui dibénedo úricaille llezica, bimácina iere duere zefuítatiaillinoiza. ¹¹Mei íadi daruíamani átuédo jailla méífomo Juzíñamui afe íaillinoína meine abido cáatate. Iemo meine abido íaillinoína macátate. Iemona íaillinoimo acáritino jamánomo jacínaitiaoi. ¹²Afe mei afe uai nabáifirede íaillinoi monámona ficírede uaina cacade. Aféuai íaillinoína daide:

—Caifo bené bi, —daide.

Jira íaillinoína éoidino éroidemo, caifo mona uílliedo monamo jáidiaillinoi. ¹³Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comini tícoizitiaioi. Afemona fiébidino iere jacínaitiaioi. Jacínailano monamo ite Juzíñamuina caimátaidiaioi.

¹⁴Méifoide iere jácifue ja záide, mei íadi íiraie bille ja rairedede.

Siete dígade vudugoi fúunotinomona ja íiraimie fúunote

¹⁵Siete dígade ángeles dainámaci Juzíñamui abi ímiiamona íiraimie ie vudugoi fúunote. Fúunua llezica, monámona diga ficire úrilla uaillai cácaçaila; daidíaiói:

—Nana bínie illaini illáimaillano naa íaiói ocuícánuiairi ja dájena cai Juzíñamuimo, íemo ie Crístomo jaináitaga.

Iemo afe Cristo jaca ninomo zíñona ócuífíreite, —daidíaiói.

¹⁶Iemona Juzíñamui uícomo ráiide veinticuatro dígade éicomini íaiói illaíma ráiiranomona ana bíjicaidiaioi. Uáfueza, afe úrilla llezica éniemo fueco diné bíjicaillano, Juzíñamuina caimátaitadiaioi. ¹⁷Iena daidíaiói:

Ona figura daidicai.

Jamánomo ocuide Juzíñamuidioza.

Birui itímiedioza, íemo jaiái nanómona itímiedioza, íemo jíái jaca ninomo zíñona íitímiedioza.

Figura ona daidicai, mei o áillue ríino maiñódioza.

Máiñuano ja nane como ocuízaidioza.

¹⁸Náiraíai icrínaizitiaioi, mei íadi íaiói duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O dibénedo úrite o ocuífíreganomo íaióiena o mameca ñúefuiaina íaióimo fécaítio.

Daje izói o uaina ñue ínofírede ñue finócanomo íaióimo dúide ñúefuiaina fécaítio;

íemo daje izói o mámecina jifánodoiñeno ñue llínotinomo íitio.

Uáfueza, jamánomoidimiemo,

daje izói jamáimiemo íaióimo dúide raana íaióimo ífiredio.

Daje izói bínie ñúemacina fiéniruitadino o táinocaitalliruimo ja dúcizaide.

Aquíe izói afe éicomini daidíaiói.

¹⁹Iemona monamo ite Juzíñamui gairíraco túijicaide. Afénomo Juzíñamui comini diga caimare úrira raa uáfori cócaide. Afe úrira raa emodo órona ibaica caja. Afe eromo Juzíñamui lloga uaillai éenotiaioi. Afe gairíraco túijicailla llezica améuai riire llairide, íemo ficíriede ráaniai cacaide; íemo mona ficire giride; íemo énie iere riire docaide; íemo iere mairide nocíjiai cocide.

Ringo íemo jacírede zicínaimana eróidimie diga monamo cíocaide

12 ¹Afe mei monámona jacírede onótate raa cíocaide. Afénomo iníroido ferínua izói, jitómado ferínoga ringo cíoina. Afengo idai anamo fiui cíoina, íemo afengo ifomo doce dígade ucudu illácuifoí, illaíma jitáfíregacuifoí izoide jitáoi. ²Afe ringo úrue jocóacade izínailla. Afe iere izírenari caillícade; mei afengo úrue jéiciacana llezica iere duere zefuídeza. ³Afe méifodo jíáie jacírede onótate raa monamo cíocaide. Afénomo áillue jáirede jacírede zicínaimana eróidimie cíocaila. Afémie siete diga íforede. Iemo afémie diez diga zícairede. Afe ífóciaímo illa dígcáimo illaíma jitáracuifoí jíina. Daa ie mámece Taife. ⁴Ie óodado monamo ite úcuaimona jarífecuduna aillo dánomo jainánote. Jainánuano afécuduaina ana éniemo dotade. Afe ‘dragón’ daina zicínaimana éroidimie, afe úrue jocóacade ringo uíecomo jóoneoide, afe ie jocóacaga úrue jócua llezica raire ríllena. ⁵Iemo afe ringo íza jocode. Afémie uire móonaia nana náiraiaina llojébici izóidedo riire ócuífíreite. Afe úrue jócua méifodo Juzíñamui bairoca. Bairoda ie illáimana ráiiranomo uiga. ⁶Afe llezica afe ringo táizicimo botade. Afe dinomo afengo retáirillino uícodo Juzíñamui finoca. Afénomo mil doscientos sesenta diga mona afengo ecáecaille.

⁷Afe méifodo áillue fuiríacana caífo mona eromo comuide. Afénomo Juzíñamui abi imaci illaíma Miguel naa jíáie Juzíñamui abi imáciairi afe dragón diga fuirídiaoí. Daje izói afe dragón naa ie abi imáciairi fuirídiaoí, ⁸mei íadi afémaci Miguel náiraina anáfenonidiaioí. Iemona dragón imaci illino monamo íñede. ⁹Afe ie illino íñena jira afe ríírede dragón monámona ja jino dotaca. Afe jaiái ninomo ite jaió dainámie jíáífodo mameina Taife, íemo Satanás, íemo dáamie nana náiraina jífuefíredimie. Afémie naa ie abi imáciri ana éniemo dotácaiaioí.

¹⁰Afe méífomo monámona ficírede uaina cacádicue. Afe uai daide:

—Cai Juzíñamui bínie comíni jíllloillena mámiaruímo ja dúcide. Daje izói íemo ite ríino facállíruimo ja dúcide. Iemo daje izói illáimana ie illíruimo ja dúcide. Daje izói ie jitó Cristo riire ocuállíruimo ja dúcide. Mei cai ámatiaímo fiénidífue nitáfíredimie ja jino dotácaza. Afémie nágaruillai, mona naío diga cai Juzíñamui uíecori afémacimo fiénidífue nitáfírede.

¹¹Cai ámatiaí Cordero díedo fiénidífueana anáfenodiaioí. Daje izói íaioí jino meáiruíñeno lloga Juzíñamui uáillaido caifófeficaidiaioí, mei jaca tíllana jacíruiñediaioíza; mei jíáífodo jaca tíllimo ñue finóbidiaioíza. ¹²Iemona, mona naa afénomo ite cáadinuíari mai omoí íóbiri. Mei íadi éniemo itino níi dúerena, naa monáillaimo itínuiairi, mei Taife ómoímo ana iere icírillano jáideza. Afémie nano íanori ie íllena onódeza.

¹³Afe dragón ana éniemo ie dótajana onóillano, nauí íza jocódingo racade.

¹⁴Mei íadi afe ringo mena áillue máajaiño íaícona iga, áfedo afe jaió dainámie

dragómona jica táizicimo afengo féellena. Afénomo daámani fimona átuedo afengo ecáecaiga. ¹⁵Iemo jaido dainámie áillue jainoi ie fuémoma orede, imánina comuállena, mei afe imánido afe ringo coróbaitallena. ¹⁶Mei íadi énie ringona ríidote, mei afe dáaruído énie bóccocaillano, afe dragón fuémoma oreca imánina naítateza. ¹⁷Afe bíemona afe dragón ringomo iere rícaide. Rícaillano aféngomona fiébide ie erófene igímaiai díga fuirízaide. Afémaci Juzíñamui ocuica uailai jeire otáioi. Daje izói afémaci Jesucristo lloga ua ráfuenta fáicanocaiñeno nágaru jeire ófirediaioi.

Mena áillue jacire eroide rille cíocaide

13 ¹Monáillai fuédamo cue naidáillano monáillaimona iere jacire eroide rille caifo bíllana cíodicue. Afémie ifo siete dígade, daje izói afémie diez díga zícairede. Afe illa díga zícaimo illaima jítáracuifoi jíina. Afémie ifóciaimo Juzíñamuina fieni daina mámecei cúeina. ²Afe cue ciona jacírede rille jánallarina eroide. Ie ídaiai oso ídaina eroina, íemo ie fue león fuena eroide. Bímiemo dragón íemo ite ríno naa ie illáimaillano díga afémiemo fecade. Afe llezica riire ocuífírenafue afémiemo lloga. ³Afe jacírede rille ifóciaimona daaci titade áillue boáfena eroide illa. Mei íadi afe titáacade áillue boafe raire jacaide. Iemona nana énie náiraiai áferi iere jacínaitaioi. Jacínailano afémiemo ínotiaioi. ⁴Afémaci dragón uícomo éniemo fueco diné bíjicaillano íemo caimátaidiaioi, mei dragón riire ocuille ríno afe jacírede ríllemo ígaza. Iemo daje llezica jacírede ríllemo caimátaidiaioi. Caimátaillano daidíaoi:

—¿Bu mei bie jacírede rille izoina? ¿Bu mei afémie díga fuirírena? ¡Afémie anáfenonide! —daidíaoi.

⁵Afe llezica afe jacírede rille afémie úrilla bu llétañega. Iemona Juzíñamuina íaire daina uaina llote, naa fieni abí ínuafuiairi. Afe izói cuarenta y dos díga fiui, daí ie ocuilla buna ráiruñega. ⁶Iemona afémie bie izói finode; Juzíñamuina uáitano, ie mámeceina íaire daíoide. Daje izói Juzíñamuimo úriranona íaire daíoide. Iemo monamo itnúiaina daje izói íaire daíoide. ⁷Iemo jíai daje izói Juzíñamuimo jaináidino díga ie fuirilla buna ráiruñega. Daje izói afémaci ie anáfenolle buna ráiruñega. Iemo nágazie ocuille ríno afémiemo fecaca. Daje izói nana comíni jófuiiai ócuífíreite, íemo daje izói nana jíáfodo úritínuiai ócuífíreite, íemo daje izói nana náiraiaina ócuite. ⁸Nana bíniemo itino afe jacírede ríllemo caimátaidiaioi. Afémaci mámeceiai zíñona íitino rabénicomo cúeñega. Ua énie taíneina llezica baimaci mámeceiai afénicomo cúeñega, mei afémaci íñoñena jira. Afénico nauí titaca Cordero ie.

⁹Bífuemo cacáacadímie mai bíemo cácarei. ¹⁰Jíáimacina maitá uitino méifodo nane maitá uille. Iemo jíai lloéfaido jíáimacina titáidino méifodo afémie daje izói lloéfaido titalle. Mei jira Juzíñamuimo jaináidino comécina járidonidiaioi; daje izói jíai ñue ínorediaioi.

¹¹Afe méifodo jiáie jacire eroide rille éniemona caifo bíllana ciódicue. Afémiemo mena zicai ite; cordero zícaina eroide. Mei íadi afémie dragón úrilla izói úrite. ¹²Naui monáillaimona bite nanoide jacire éroide ríllemo ite riire ocuille ríno, daje izói bie méifoidimiemo ite. Iemo nanoide jacírede rille úcori, bímie íemo ite ríno ácatate. Ie ríno ácata llezica afémie nana éniemo itínuiái, nanoide jacírede ríllemo caimátaillena ocuide. Afe nanóidimie ifomo ite áillue boafe raire jacáidimie. ¹³Iemo afe méifoidimie daje izói iere jácimie daiítate raana cótate. Mei uafue, afémie nana comíni eróicana monámona iraiçi ana éniemo cocítate. ¹⁴Iemo afe nanoide jacírede rille úcomo buna ráiruñega ie finócaigado nana bíniemo itínuiaina jífue. Afémacina jífuiano afe aillo bofédaite jacírede ríllena eroide jánaraina afémacina finótate. Afe bofédaite jacírede rille lloféaido aillo bofeca, mei íadi nai caade. ¹⁵Iemo afe méifoide jacírede ríllemo, afe jánarai cáatalle ríno íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacírede rille jánarai íaioina fatátate. ¹⁶Nana afe baimo, nana náiraiaina bie izói itátate; nana jabóidimaci naa jamánomoidimíiai diga, nana ráaredino naa dúeredino diga, nana ráiruñegano naa rairuícano diga, íaioi onoi nabézimo daa onótate número jóonetade. Afe onótate número nabézimo jóoneñenia íaioi ozócimo jóonerede. ¹⁷Naga afe onótate número na cúeñegamie jaca íbárinide, daje izói raana fecánide. Afe número nanoide jacírede rille ie. Afe número afémiemo dúide mámeçi daiíacade. ¹⁸Bifue onóillena iere báitajamo dúide. Afena onódimie, mai afe jacire eroide rille número faca. Afémie número iima ie. Afe número seiscientos sesenta y seis.

144,000 dígadoño roga rua

14 ¹Afe méifomo Cordero Sión mameina idu emódomo naidáinana ciódicue. Aféno mo afémie diga ciento cuarenta y cuatro mil comíni naidáiede. Afémaci ozócimo Cordero mámeçi naa ie Moo mámeçi diga cúeina. ²Iemo monámona ficírede raana cacádicue. Afe ficírena aillo imánillai nofíco tua ficírena izoide. Jiáie riire mona gíría ficírena izoide. Iemo jiáie aillo arpa daina, rua roia taiga ráaniai ficírena izoide. ³Afe llezica illaíma ráirano úcomo afémaci comue rua rotíaioi. Daje izói cuatro diga cáadimíiai, íemo éicomíni úcomo rotíaioi. Afe rúana jaca buna ónide. Dani afe ciento cuarenta y cuatro mil diga éniemona jíllode comíni afe rúana onona. ⁴Afe bimaci ringomo jíriñedino, mei afémaci jaca íaífuenidino; dani íaioi abi rairuídíai. Daje izói afémaci Cordéromo jaináitagamaci. Afémaci comínimona jíllotagamaci, Juziñamuimo nanóidino ie dúidímacina íaioi íllena. Daje izói Cordéromo nanoide dúidino itíai. ⁵Afémaci jaca táinona úriñediaioi, mei afémaci Juziñamui illáimana ráirano úcori íaífuenino itínoza.

Daámani ángeles dainámaci Juzíñamui abi ímíai llócaiga uai

⁶Afe mei jíáie Juzíñamui abi ímie mona dáafenedo féiana ciódicue. Afémiemo zíiñona jíllollíuui illa, bíniemo itínomo llóllena. Nana énie náiraiaimo llórede, íemo nana jíáziemo. Daje izói nana jíáfodo úritinomo llórede, íemo daje izói nana comini jófuiuido. ⁷Afémie ficírede uaido daide:

—Juzíñamuina ñue omoi jacírui; ñúfuiaina afémiemo omoi nitari, mei afémie iere riire jíacánollíruimo ja dúcidez. Mai mona finódimie, daje izói énie finódimie, íemo monáillai finódimie, íemo éniemona jainoi jino torano finódimie; afémiemo omoi caimátáifireiri, —daide.

⁸Iemo nane jíáie Juzíñamui abi ímie méifodo cócaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei alilo fiénide jíruífuiái izoide íaífuái omoi fínofirenado, nana nairai jífáidino izói itátatiomoiza, —daide.

⁹Afe méifodo íraie Juzíñamui abi ímie ficire daífoicaide:

—Dáamie jacírede ríllemo caimátaiadi, íemo jíái afe jánaraimo caimátaiadi, íemo daje izói afe rille mámecei ozócimo ninena ónoimo cuetátaiadi, ¹⁰afe izóidino Juzíñamui lloga jamánomo duere finóllinomo orélliaoi. Mei afe izóidinomo afémie iere rícaide; rícaillano afémie duere íaioi finolle, féiñellena riire íaioimo mamécaza. Iemo Juzíñamui abi imaci uícomo, daje izói Cordero uícomo, iraido íaioina iere izi cácatalliaoi. Iemo daje izói nairai iere uzire cónaitalle raado afe izóidinona iere izi cácatalliaoi. ¹¹Duere íaioi zefuítate irai uíllie jaca ninomo llícaíñeno caífo uíllíode. Afe jacírede ríllemo caimátaitino mona naio diga afe duere finóinamona jaca ócozinaiñeítiaoi. Afémaci naa afe ríllena eroide jánaraimo caimátáidinori, íemo jíái ie mámeceina onótate número otino diga nana jaca ócozinaiñeítiaoi. ¹²Mei jira Juzíñamuimo jáinaide ie ocuica uaimo jíérutino, naa Jesudo fáicanocaiñede jáidino diga, comécina járidonidiaoi.

¹³Nane afe méifomo monámona daa uai cuemo úrillana cacádicue; daide:

—Bie cúeiri: “Benómona cai Ocuíraimamo ínote tíitino caimare íítiaoi.” Afena Juzíñamui Ñuera Joreño “Jii” dáidez, mei afémaci íaioi tájijnamona ocózinaitiaioiza. Daje izói íaioi finócana, jíáima diga nabáirilla izói féitañegaza, —daí daide.

Ria llizilla óina izói, énie comini jofe ollíruimo dúcide, Juzíñamui duere íaioi finóllena

¹⁴Afe mei eróillano úzerede mona ero uílliena ciódicue. Afe uíllie emódomo Nanoide íima Jitona Jesuna éroidímie ráina. Ie ífomo oro finoína illaíma jítaracuifoí jíina. Daje izói hozna mámeceirede arroz izoide

llízie ñetara llíide. (Afe raa jofo icuífoina néfide jáirede lloefai izoide.)

¹⁵Iemo nane jiáie Juzíñamui abi ímie ie gairíracomona jino billa. Afémie ficírede uaido uíllie emódomo ráiidimiena daide:

—O llíga llízie ñetara raado táijiiri. Ja jeede diga mai jofo ono. Ja jofo ollíruimo dúcidez. Enie comini finócafuiaí ja jeede ríaniai izói fiénidifuena iere oruídeza, —daide.

¹⁶Afe mei uíllie emódomo ráiidimie ie llíga llízie ñetara raado énie comínimo táijizaide. Afedo fiénidifuena oruídino jofo ote.

¹⁷Afe mei jiáie Juzíñamui abi ímie monamo ite Juzíñamui gairíracomona jino bite. Daje izói afémie jáirede llízie ñetara raa llíicabite. ¹⁸Afe llezica jiáie Juzíñamui abi ímie Juzíñamuimo caimátairanomona jino bite. Afémiemo jobáitalle rínona ite. Iemo afémie, jáirede ñetara raa llífidimiena ficire jírillano daide:

—Mai omo ite jáirede ñetara raado táijiiri; éniemo ite jíricoillai ollíruimo ja dúcidez. (Afe jíricoillai fiénide comini jana.) Mai jofo ono, mei afe jíricoillai ja iere jiduúdeza, —daide.

¹⁹Iemo afe jiáie Juzíñamui abi ímie, ie jáirede ñetara raado énie comínimo táijizaide. Afedo éniemo ite jeede jíricoillai izoide fiénidino jofo ote. Uano áillue iduíriraco izóidino jofo dite, aféno mo riire iduíllena. Bie iduílla Juzíñamui bie izói duere afémacina finolle jana.

²⁰Afe jíricoillai izoide fiénidino áillue comini jofue jinomo iduica. Afe iduíracomona aillo dñena tote. Afórede imani izoide; áfeji caballo táiaa ie fue illa dñori afórede. Daje izói áfeji trescientos kilómetros dñó tote.

Tiraie siete dígade jacírede duere finóllifuiái Juzíñamui abi imaci mameca

15 ¹Iemo monámona jiáie jacínaitade áillue raa jánana ciódicue. Siete dígade Juzíñamui abi imaci firaie siete dígade jacírede duere finóllifuiái lluíbitiaioi. Afedo Juzíñamui rícaillana zaaite.

²Daje izói, vídriona finóinana eroide monáillajina ciódicue. Afeji réici diga taméricaide; daí eroide. Jacírede ríllena anáfenodino afe fuédamo naidáiediaioi; daje izói ie jánaraina anáfenodino; iemo jiái afe ie número mámecina ozócimo cúeñegano diga. Nana daanomo afe vídriona eroide monáillai fuédamo naidáiediaioi. Nana bimaci Juzíñamui íaioimo fecaca ‘arpa’ daína rua roia taiga raa llíiediaioi. ³Afémaci Juzíñamui jaiái ocuífiegamie Moisés rua rotíaioi. Daje izói jiái Cordero rua rotíaioi. Aférúa bie izói daide:

Ocuíraima, nana o finócanuiaí iere ebíriede.

Jamánomo rínorede Juzíñamuidio.

Náiraiaí Illaíma, nana o jáífirena io uáfueña jaícina jóide.

⁴Ocuíraima, ona ñue jáciruíñeitimiena iñede.

Daje izói omo ñúefueña jóoneñeitimiena iñede.

Mei dama o íaifuenidimienaza.

Naga náiraiái omo caimátaizaibitiaioi, mei o jaícina
finófiregafuiaina ciódiaioiza.

Aquíe izói rotíaioi.

⁵Bie méifodo, monamo ite Juzíñamui gairíraco túijicaillana ciódicue. Afeco noffbicimo cuega Juzíñamui ocuica uailai éenorano. ⁶Afécomona Juzíñamui siete dígade abi imaci jino bite. Afémaci siete dígade jacírede duere finóllifuiái uite. Afémaci ráifide íáinide queníredicuiruai jitáoidiaioi. Iaiói llaitáoiga oro finoína ciraigí ife jogóbemo dúcide. ⁷Ie mei cuatro dígade cáadimíaimona dáamie afe siete dígade Juzíñamui abi imácimona illa dígamiemo oro finoína ichecoi fecade. Aféhecoi jaca ninomo zíñona ite Juzíñamui ocuica duere finóllifuenta oruide. ⁸Iemo afe Juzíñamui gairíraco uílliena oruide. Afe uíllie Juzíñamui jamánomoidimiena íllamona, daje izói ie iere ríinorenamona comuide. Afe llezica afécomo buna jofo jáinide. Nai afe siete dígade Juzíñamui abi imaci siete dígade jacírede duere finóllifuiái záíñena llezica buna jofo afécomo jáinide.

Juzíñamui duere finóllifuenta oruide ichécuai

16 ¹Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácina daide:

—Juzíñamuimona bite siete dígade duere fñuana oruídichecuai ana éniemo tótaji, —daide.

²Nanoide Juzíñamui abi ímie jaillano, afémiemo ite ichecoi ana éniemo totade. Afemona nana jacírede rille mámecina cuegánomo jacírede duico comuide. Afémacimo izírede jíllotañede ñozagí izoide duico comuide, daje izói afe rille jánaraimo caimátaifiredinomo.

³Iemo méifoide Juzíñamui abi ímie afémiemo itíchechoi monáillaimo totade. Tótamona afe monaillai jainoi tídímie die izói jaide. Iemona nana monáillaimo ite cáadinuiai tícoizite.

⁴Iemo nane jíáie Juzíñamui abi ímie afémiemo itíchechoi imánillaimo, daje izói éniemona jainoi jino toránuaímo totade. Iemona afeno jáinoillai díena jaide. ⁵Afe mei jainoi fiene finótate Juzíñamui abi ímie dáinana cacádicue; daide:

—Ocuíraíma, íaifuenide Juzíñamuidío. Bie izói comíni duere o finóllena iere comécina jaícina jóidímiedío. ⁶Mei omo jaináidinona títano íaioi díena nauí totádiaioiza. Daje izói o díbénedo úritíno díena totádiaioiza. Iemo biruí afe íbana o afémacina díena jírotatío, mei daíí afémacimo dúideza.

⁷Afe mei nane Juzíñamuimo caimátairanomona dámie dáinana cacádicue; daide:

—Jíí, uáfueza, caí Ocuíraíma, o jamánomo ríírede Juzíñamuidío. Uáfuenta ñue jaícina iere ríire jícanotío, —daide.

⁸ Ie mei nane jíáie Juziñamui abi ímie afémiemo itíchechoi jítómamo totade. Afemona afe jitoma comini cóonaitalle ríino iga. ⁹ Iemona nana comini jamánomo cóonaizitiaioi. Mei íadi íaioi comeci itífuiaina méidoñediaioi. Daje izói Juziñamuimo caimátaiñediaioi. Mei jíáífodo afe jacírede duere finóllifuiái ocuúdimiema faidófirediaioi.

¹⁰ Iemo nane jíáie Juziñamui abi ímie afémiemo itíchechoi jacire eroide rille illáimana ráiiranomo totade. Afe llezica afémie náamataga illano jítirecaide. Iemona nana comini afe úicodo íaioimo comuide duícuai izírenari dani abi ainízitiaioi. ¹¹ Mei daí ítaíoi íadi, íaioi finoca fiénidífuiaí fáicanocaiñediaioi. Mei jíáífodo, izi íaioi cácana ícoinia, daje izói jacire íaioi ñozánaillamona, monamo ite Juziñamuina íaire daidíaioi.

¹² Iemo nane jíáie Juziñamui abi ímie afémiemo itíchechoi áillue Eufrates mámecirede imánimo totade. Afemona afe imani zafénaite, áfedo illaini raire ruica bille io tuiñóllena. Aféllaini naa íaioi fuirírainiri jitoma caifo biránomona bitíaioi.

¹³ Afe mei dragón dainámie fuémoma, daje izói jacire eroide rille fuémoma, daje izói taino uai jino llófiredimie fuémoma daámanide cúuraícina eroide fiénide joríaí jino bíllana ciódicue. ¹⁴ Afe daámanidino Taife joríaí. Afémaci ciórainina raana cíotafiredino. Bie damieámanidino nana énie illaini naa íaioi fuirírainiri dáanomo gairítaite, jamánomo ríinorede Juziñamui diga fuiríllena. Aferui Juziñamui aillo íba ollirui.

¹⁵ Aféruído monámona Cristo úrillana cacádicue; daide:

—Ero, cacai. Merírizai bitimie billa izói, comini nai cuemo comeciñediaioimo dézai biticue. Cue bille llezica iníñeno cuemo comeci facáoidimie caimare íite. Daje izói emuíroma mácañeillena iníroina ñue úiñotimie izói, íaífuemona abina ráiruitimie méairuñeite, —daide.

¹⁶ Iemo afe daámanide fiénide joríaí, nana illáinina dáanomo gairítate. Afeno mámecei hebreo uaido daina Armagedón.

¹⁷ Iemo siete dígademona íraie Juziñamui abi ímie afémiemo itíchechoi caifo táífomo totade. Tota llezica monamo ite gairíracomona ficírede uai cácaide. Afe uai illaíma ráiiranomona jino bite; daide:

—Ja fuite, —daide.

¹⁸ Afe méífodo, améuai llairilla. Mona gíría naa ficíriede ráaniai diga cácaide. Afe llezica énie iere riire docaide. Nanómona biniemo comini ia docáifirena baímo, jamánomo riire docaide. ¹⁹ Iemona afe áillue comini jofue daámani díeze bójicaide. Jíáie biniemo ite jofue jáicoizite. Afe llezica Juziñamui áillue Babilonia jófuemo úbicaide, duere íaioina finóllena. Afe duere finóllífue comini títaite ríjii jírúa izói íite. Afémie ríicaillano daí íaioina fínoite. ²⁰ Afe dáaruido nana monáillaji cigi íduai naa jíáie caifóneduairi niné táinocaide. ²¹ Afe llezica aillo jéerie nocíjiaína monámona comínimo cocide. Aféjiaímona dáarie cuarenta kilos méere. Iemona afénomo ite comini afe áillue nocíjiaí

cóciari Juzíñamuina iáire daidíaioi, mei afe bimaci duere fínua iere jamánomoideza.

Jamánomo jiruúredingo duere finóinafue

17 ¹Afe méifomo siete dígachecoi llíide Juzíñamui abi imácimona dáamie cuemo úrizaibite. Cuena daide:

—Eróizaibi. Jamánomo jiruúrede izoide íaifueredingo duere finóinana omo ácataiticue. Afengo monáillajillaimo ite. Afe bie izói daíacade aillo nairai afengo anamo itíaioi. ²Bínie illaini afengo diga aillo fiénide íaifuiai finóirediaioi. Iemo bínie comini afengo íaifuerenamona jifáifiredino izói iáire jáidiaioi, —daide.

³Afe mei Juzíñamui Ñuera Joreño nicáirilla izói cuemo ácataja llezica, daa Juzíñamui abi ímie táizicimo cue uite. Afénomo daa ringo jáirede jacire eroide rille emódomo ráiinana ciódicue. Afe ríllemo diga Juzíñamui iáire daina uailai cúeina. Afe rille siete diga ifócirede, daje izói afémie zicai diez dígade. ⁴Afe ringo jitáoigacuiro jáirede, íemo morádonna eroide. Afengo oro finoína íena ebire finóbide, íemo ráifide ñue finoína noffciaína, íemo ‘perla’ daina zíriona finóbide. Iemo afengo oro finoína ichecoi llíide. Aféchecoi iáirede raana oruide, íemo jáái afengo jiruúfrena llezica finoína íaifuiaína oruide. ⁵Afengo ozócimo cuetá jónega ónonide mámece illa. Afeci bie izói daide: “Aillue Babilonia jofue, nana fiénidífuiai jillaci, aféfuiai ei daina izói mameide. Iemo nana bíniemo ite éoigafuiai ei daina izói mameide..” ⁶Iemo diga Juzíñamuimo jaináidino afe ringo ícoína fazícaiaioi. Afémaci Jesús uai llócaína jira afengo titácaiaioi. Iaioi fazícanori afengo, come jifáifirena izói, iere ióbide. Afena cóillano iere jacire fáigacaidicue. ⁷Ie jira Juzíñamui abi ímie cuena daide:

—¿Minícarí jacínaitio? Afe ringo ónonino daíacanafue jino omo onótaiticue. Daje izói afengo uífirede jacírede rille maméinafuena omo onótaiticue. Afe rille ífo siete dígade, íemo diez diga zícairede. ⁸Afe o ciona jacírede rille jaiái nino itímie, mei íadi ie tílla mei jae íñede. Mei íadi afémie íiraicaiño ie tílle uícodo meine abido fiénide joríaí íbáirafomona caífo bíite. Mei íadi billano zíñona ie duere finóllinomo orelle. Eniemo ite comínimona zíñona ille rabénicomo énie taineína llezica mámeceína cúeñegano, afe ríllena cóillano iere jacínáifcaítiaioi, mei afémie jaiái íteza, íemo biruí jae íñédeza, íemo meine abido uire bíiteza.

⁹Biruí caí uaina féiruñedínomo nai benó jíaie llollífueña ite: Cácarei. Afe siete dígade ifóciaí baie ringo ráiina siete dígade caifóneduai jana. ¹⁰Iemo afe llezica afe siete dígade ifoci daje izói siete dígade illaini jana. Afe siete dígade illáinimona cinco diga ja dotácaiaioi. Afe mena fiébidemona daa nai illáimana ite. Iemo jíáimie nai illáimaizaíbiñede.

Afémacimona firaillaima bíadi are iñeno táinocaite. ¹¹Nauí caade fócirede rille, tíide íadi, nane biruí caade illaima. Afémie siete dígademona afémaci emódoídillaima. Mei íadi afémie siete dígademona dáamie. Afe mei afémie firaicaíño ie tíillinomo jáite.

¹²Afe o ciona diez dígade zicai, diez dígade nai illáinina jáiñedino jana. Mei íadi jacírede rille díga dáaruído afémaci nano íanori dieze illaini ocuífirrena ríino llínoítiaíoi. ¹³Bie diez dígade illaini conímamo daje izói comécíidiaíoi. Iemo íaíoimo ite ocuille ríino jacírede ríllemo fécaítiaíoi. ¹⁴Iemona Cordero daina Jesucristo díga fúiritiaíoi; mei íadi Cordero íaíoína anáfenoite. Mei afémie nana ocuídinomona Jamánomo Ocuídímieza. Daje izói afémie nana illáinimona Jamánomoidillaimaza. Afémie díga jáicadino Juzíñamui nizeda jíirigano. Daje izói afémaci fáicanocaiñeno Juzíñamuimo ñue ínofiredino, —daíí afémie cuena daide.

¹⁵Juzíñamui abi ímie nane dáanomo cuena daide:

—O ciona monáillajillai, nii afe íaífueredíngo illano, afe monáillajillai aillo jófueniaí jana. Daje izói aillo comini jana, íemo jíáíforie úritino jana, íemo aillo náiraiáí jana. ¹⁶Jacire eroide ríllemo o ciona zícainiaí jíáie illáimaiaí jana. Afémaci bie jíruíredíngona éoitiaíoi. Eoillano aféngona zófeítiaíoi, íemo jíáí aféngona emuírogí óreitíiaíoi. Afe mei afengo íeizina rítiaíoi. Iemo jíáí aféngona iraimo cóonaitaitiaíoi. ¹⁷Juzíñamui comeci jítaina izói afe ringona duere íaíoi finóllena ónonino íaíoi comécimo úrite. Ie jira dájena comécíidiaíoi íaíoimo ite jacire ocuille ríino jacírede ríllemo fecállena. Iemona afémie jamánomo ríirede. Daíí Juzíñamui daina uáillaina fuillíruimo dúcia llezica finófirediaíoi. Iemona afémie daina uaina ñue ícoímo záitatiaíoi. ¹⁸Afe nauí o ciona jíruíredíngo, nana énie jamánomo ocuífiredillaima illágoje jana, —aqué izói daide.

Babilonia jofue táinoicailla

18 ¹Bie méifodo monámona jíáie ángel dainámie, Juzíñamui abi ímie ana bíllana ciódicue. Afémie aillo ríino díga bite. Afe llezica ie quenire bóodedo bínie egáíñote. ²Afe llezica afémie ficire úrite; daide:

—Aillue Babilonia jofue ja jáicoízite, ja táinocaide. Taife ocuífirgano illánona jaide. Daje izói nana jíáíforiede íáirede jóriaí uíñoracona jaide. Afe izói nana íáire féedino jilláíllinona jaide, naa jíáí cai éoiga féedínuaíri. ³Mei aillo fiénide íaífuaí afengo finófírenado, nana nairai jífáidino izói itíaíoiza. Iemo naga énie illaini afengo díga aillo jíruífue izoide íaífuaína finófírediaíoi. Biniemo ráaniaí fecáfiredino iere úcuberedinona jáidiaíoi. Mei uafue, afe áillue jofue comini izire jícaca táinomo faitátate ráaniaí íaíoi jícáfírenamona bimaci aillo úcubenaídiaíoi.

⁴Afe mei monámona jiáie uaina cacádicue; daide:

—Omoi cúeiediomoiza bie jófuemona oni omoi jai; íaioi finoca fiénidifue afémaci fínua izói omoi fínoñilleza. Daje izói íaioi mo zúite jacíredifuiái ómoimo jíriñelleza. ⁵Mei afémacimo ite fiénidifuiái ofilla ja monamo dúcidez. Iaiói finoca fiénidifuiái mo Juzíñamui ja úbicaideza. ⁶Iemo Juzíñamuina daide:

—Jiáimacimo íaiói feca izói, afe izói íaioi mo fecari. Iaiói fienu fínua izói, afe baimo ménacaiño afémacimo finori. Afémaci núemacimo eríredena jóneta jirota izói duere íaioi mo finódiaoi. Afe íaiói fínua izói, afe íbana ménacaiño afémacimo riire duere íaioi mo finori. ⁷Aillo táinodo abi íaiói fínua dieze, íemo cómena canóñedemo fáififirena dieze, áfeze afémacina duere finori; afe izói íaioi mo duere zefuítari. Mei bie ringo izoide jofue comini afengo ie comécido daiífiredeza: “Benomo illáingona ráiidicue. Jaca fécinaiñeiticue; jaca dúniticue,” —afengo daide. ⁸Ie jira bie izói úrillamona, dáaruído omo dúide jacíredifuiái cómuite: tíilla íemo duere zefuilla, íemo júbie. Iemo iraimo cónaitio. Mei o duere finótate Juzíñamui jamánomo rínoñrediza. Afémie jaca cai Ocuíraima.

⁹Afengo diga jiruñede bínie illáicomini, daje izói afengo diga cómena canóñedemo fáifidino afengori iere éenaitiaoi. Mei uafue, afengo cónailla uílliena cióillamona afengori cáillicailli éeitiaoi. ¹⁰Afengo iere duere finóinari jacínaillamona oni jica íitiaoi. Afemona dáititiaoi:

—íAii, nii o dúerena! Jamánomo ríñede Babilonia jófuedio, inii duere o zefuilla! íMei raire dáaruído o duere finoi mo comúbicaide! —dáititiaoi.

¹¹Bínie ráaniai fecáfiredino afengori cáillicailli éenaitiaoi, mei ja íaioi atica ráaie íbaitino íñede. ¹²Iaiói atífirega ráaniai, be nie: Oro, plata, ráífide nofciaí, ‘perla’ daina ráífide zírío, ráífide úzecuiro, íemo jíairede ‘sédacuiro,’ morádon a eroide seda diga, íemo jíái diga jíáifodo zióriede aménaiái, íemo ebírede ‘marfil’ daina elefante zicaí finoi mo ráífide raana, íemo ráífide amena finoi mo raa, íemo ‘bronce’ daina borárede lloébici finoi mo raa, íemo jamai lloébici finoi mo raa, íemo ‘marmol’ daina nofici finoi mo raa, ¹³daje izói ‘canela’ daina güillemo faiga raa, íemo jíáiforie ráífide ziórede raa, íemo ziórede uguci, íemo ‘mira’ daina ziórede raa, íemo come abi jilláiraniai, íemo ‘vino’ daina jiróraji, íemo cáirediji, íemo ñuera pan finófirena harina, íemo trigo, íemo daje izói abífirede cáadino, íemo ovéjaiai, íemo cabálluai, íemo ‘carros’ daina arínellaiái, daje izói jacire rairuica comínina fecádiaoi. Bie izói daina cáadino íima ringo diga jíáimacimo fecádiaoi riire íaiói ocuillena. ¹⁴Afe jofue comínina dáititiaoi:

—íBaie omoi gaiga caimárede amena llizíllaniai izoide ráaie jae íñede. Nana omoi ofítaga ebíriede ráaniai ja táinocaide! —dáititiaoi.

¹⁵Afe ráaniai fécajano íba úcube ófiredino bie áillue jofue comínimona otíaoi. Uano aillo úcuberediaoi. Mei íadi aféruído afe jofue iere duere

finóinari jacínaillamona oni jica íitiaioi. Afénomona aféngori cáillicailli éeítiaioi. ¹⁶Iemo dáititiaioi:

—iAii. Aillue jófuedio nii dúerena! Naui ñuera ráifide úzecuiro jítádingo izóidío. Daje izói o comini jáirede ráifide iniroi, íemo morádona eroide ráifide iniroi jítáfirediaioi. Afe llezica oro íena finóritiaioi; daje izói ráifide nofici finoina raana finóritiaioi, íemo jíái ‘perla’ daina zíriona jítáfirediaioi. ¹⁷Iemo dáaruído naado aillo ráaniai niné táinocaide.

Daje izói nana ‘barco’ daina áillue nocáe ocuúidillaini, naa afécaedo jáidino diga, áfena jacíruillano oni jícarié itíaioi; daje izói afécaedo táijidinori naa jíáifodo monáillajimo táijide comíniri oni jícarié itíaioi. ¹⁸Iemo afe jófue bóua úilliana cióillano caillídiaioi:

—Bie izoide naui áillue jófuenta, ¿Ninomo cóiticaí? Bie izoide jófue jaca íñeite, —daidíaioi.

¹⁹Iere zúucaillano íaioi ífomo énie júdaidiaioi. Daií ñiano cáillicailli éediaioi. Daidíaioi:

—iAii! iAillue jófue nii dúerena! Nana monáillajido ráaniai fecáfiredino afe ráaniai o comini úamona afémaci aillo úcuberediaioi. iMei íadi dáaruído afe áillue comini jófue ja niné táinocailla! —daidíaioi.

²⁰Afe mei áfena ciódimie daide:

—Monamo itñuiaí, mai afe áillue jófue táinocaillari omoi íóbiri. Uáfueza, Jesucristo orécana, naa Juzíñamui dibénedo úritinori mai íóbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina iba ote, —daide.

²¹Afe mei rífrede Juzíñamui abi ímie áillue nofici caifo raiñode. Afeci áillue ‘molina’ daina trigo llaira mérede nofici finoina eroide. Caifo ráiñuano afécina monáillajimo dotade. Dótajano daide:

—Afe bie izói áillue Babilonia jófue ana cáicoizite, íemona jaca ninomo meine cóñeille. ²²Benómona jaca o cígido joide iomo ‘arpa’ daina rua roia taiga raa rúaniaina meine cácaiñeille. Daje izói totíbacui uai naa bainada uai diga ja meine cácaiñeille. Afe izói nana jíáiforie táijiana baitádinomona buna fiébiñena. Iemo daje izói dobérilla ficérena izói ‘molina’ daina nofici uaina cácaiñeille. ²³Afe daje llezica o jófuiái eromo bóofirede mechera izói boode ráaniai abido bóoñeite. Iemo aféruimo áirena llezica iráizie caimare ficirerie íaioi úrilla uáillaina meine jaca cácaiñeille. Mei naui omo ite ráaniai fecáfiredino bínie comínimona jamánomoidiaioi íadi, ja birui afe caimárede uailai cácaiñeille. Naui aféruimo aima bífuefirena uai izóidedo náiraiaina jífuefiredio; mei íadi afe jífuefirena ona nabáñede.

²⁴Mei uafue, afe o jófue cígimo Juzíñamui dibénedo úrifiredino díena ciona. Daje izói Juzíñamuimo jaináidino naa jíáie bínimo fagano díena afénomo ciona. Afe ciona die, afe jófue comini jíáimaci títaja ícoinia daií illa jana, —daide.

19 ¹Afe bie méifomo monamo ite aillo comini ficírede uáillaina cacádicue. Daidíaioi:

iAleluya! Cai jíllonano cai Juzíñamuimo dúide.

Daje izói iere ebíredífue afémiemo mamérede, íemo naa ñuera ríno díga.

²Mei afémie ñue jaícina ua uaido iere riire jicánofiredeza.

Afe iere jiruédíngona afémie riire duere finótateza.

Afengo iere ie jiruénado énie comínina iáire finode.

Juzíñamuimo tájíttagano tiilla iba aféngomo oga, daidíaioi.

³Nane dáanomo daidíaioi:

—iAleluya! mei afengo jobailla uíllie jaca ninomo llícaíñeno uillíote,
—daidíaioi.

⁴Afe llezica veinticuatro dígade éicomini, íemo jíái cuatro díga cáadimíai díga, ana éniemo bíjicaillano, Juzíñamuimo caimátaidiaioi. Illaíma ráíiranomo ráíide Juzíñamuimo caimátaillano daidíaioi:

—iDáitadeza! iAleluya! —daidíaioi.

⁵Nane afe mei illaíma ráíiranomona jíáie uaina cacádicue; aféuai daide:

—Cai Juzíñamuimo nana afémie ocuícano afémiemo ñúefuiai omoi mameri. Daje izói íena caimare jacíruitino, illáicomini naa jíba comíniri, ñúefuiai afémiemo jóonefíreiri.

Cordero daina Cristo áirena rafue

⁶Nane daje izói aillo comini uallai izóidena cacádicue. Afe uallai aillo imánillai ficírena izói ficírede, íemo jíái afe uallai ficire mona gíria ficírena izói ficírede. Afe uallai daide:

iAleluya! Jamánomo rífrede cai ocuide Juzíñamui nane meine como ócuite.

⁷Mai cai ióbilli; daje izói iere caimare cai illi.

Afémiemo ebíredífue cai mamelli.

Mei Cordero áirena izóidíruimo ja dúcidez.

Afémie ai izóidínona jáitino ja ñue finóbidaiaioi. Afémaci Crístomo ua ínotímaci.

⁸Ráífide úzecuirona jítárediaioi.

Mei uafue, iáínino queníredíroi Juzíñamui afémacina jítátaga.

Mei afe ñuera ráífide úzecuiro Juzíñamuimo jaináidíno comécina jaícina jóoina jánaza.

⁹Iemo Juzíñamui abi ímie cuena daide:

—Mai cúeiri: Cordero áirena ráfuemo uáídogano ja caimare itíaioi,
—daide.

Nane cuena daide:

—Bíuai Juzíñamui lloga ua uai, —daide.

¹⁰Iemona afe Juzíñamui abi ímiemo cue caimátaillena ie anamo dújudicue. Mei íadi afémie cuena daide:

—Cuemo daí íñeno, mei o izói cue Juzíñamui ocuícamedicueza. Jii, Jesús llócaiga ua uaimo féitañeno ínote o ámatiai izóidicue. ¡Cuemo caimátaiñeno; Juzíñamuimo cáimatai! —daide.

Mei afe Jesús llócaiga ua uai, Juzíñamui dibénedo lloga uaillai jino llotino comeci úritade.

Uzerede cabállomo ráiicaidimie

¹¹Nane afe méifomo mona tuíñuana ciódicue. Afénomo úzerede caballo cíocaide. Afe emódomo ráiicaidimie mámeçi “Fiel” íemo jíái “Verdadero” dainámie. Mei afémie ñue jaícina illáfuedo ocuúdeza; daje izói áfedo fiénidino diga fuirítateza. ¹²Ie ui irai bóua izói quere cíoide. Ie ifócimo diga illaíma jítaracuífoi jítáoide. Daje izói afénomo dama ie onoiga mámeçi cúeina. ¹³Afémie jítacacuíro díemo mutácaroi. Afémie mámeçi Juzíñamui Uai. ¹⁴Afe llezica nana monamo ite Juzíñamui ocuica fuirídino afémie óodana jáidiaioi. Afémaci ráífide úzecuíro jítáoidiaioi. Aferoi jaca íáinide. Baie nana afémiedo jáidino úzerede cabállomo ráiicaidiaioi.

¹⁵Afémaci ífódimie fuémona jáirede lloefai jino bite, áfedo nana nairai boféllena. Afe llezica afémie lloébici izóidedo náiraiaina ócuíte. Vino finóacanomo úvaíai iduñllena riire záizia izói, afe izói afémie afémacimo iere riire jicánoite. Iemo jamánomo rñinorede Juzíñamui rñicaillamona cómuíte iere duere finóillifue, vino jirótaja izói afémacina duere finótaíteza. ¹⁶Ie ínícuíro emódomo jítacacuíromo cuega mámeçi illa. Daje izói ie riázimo cuega. Afeci daide: “Nana illáinimona Jamánomoidillaíma,” íemo jíái “Nana Ocuídinomona Jamánomo Ocuídímie.” Afémie nii cai Ocuíraíma Cristo.

¹⁷Afe mei Juzíñamui abi ímie jítoma riire egáíñuonomo naidáinana ciódicue. Afémie nana mona erodo féedinuiai ficire jñirite; daide:

—Juzíñamui finoca áillue güille nana dáanomo omoi riáibi, ¹⁸mei benomo illaini íeizi rñitiomoiza, naa fuiríraini illáicomini íeizi diga. Dáanomo íocirede fuiríredino íeizi rñitiomoi, naa caballo íeizi diga. Daje izói afe emódodo ráiicaidino íeizi rñitiomoi. Iemo nana fiébidino íeizi rñitiomoi. Buna ráiruiñegano, daje izói jacire rairuícano, íemo jíái jamáimaci íeizi, naa jamánomoidímaci diga daje izói rñitiomoiza, —daide.

¹⁹Afe mei afe jacire eroide rñllena ciódicue naa bínie illáicomini naa íaioi fuirírainiai diga. Nana bimaci fuiríllena dáanomo ofidiaioi. Afémaci afe úzerede cabállomo ráiicaidimie diga fuirízaibitiaioi. Afémie “Juzíñamui Uai” dainámie. Daje izói afémie canode fuiríraini diga fuiríllena maméritiaioi. ²⁰Afe mei afe jacírede rille, taino uai jino llócaidimie diga ja llaveca. Afe taino uai jino llotímie, jacírede rille

eróicana, jacínaitade ciórainina raa ciótate. Aféfuiaido afe taino uai jino llotímie, nana afe jacírede rille mámecina cuetátaganona jífueite. Daje izói afe jacírede rille jánaraimo caimátaidinona afémie jífueite. Iemona ‘monstruo’ daina jacire eroide rille, daje izói taino uai jino llotímie, cáanori dáanomo duere finolle jorai izoide bóodiimo dotácaiaillinoi. Afe jorai izoide duere finóllino iere uzire boode. ²¹Nana áfemona fiébidino úzere de cabállomo ráicaidímie fuémoma bite lloéfaido titácaiaioi. Iemona nana féedínuiái bie titácano riáibillano íaioi íeiziri jéirediaioi.

Mil diga fimona dino comini caimare íitiaioi

20 ¹Bifue méifomo ángel dainámie Juzíñamui abi ímie monámona ana bíllana ciódicue. Afémie afe fiénide jóriaí íbáirafo zuitara llave naa áillue llójeo diga llíicabite. ²Afe bie Juzíñamui abi ímie ‘dragón’ daina jáiaira áillue jao lláitano anáfenode. Afe jao jiáifodo mameina Taife, dáamie Satanás. Anáfenuano afémiena mil diga fimona llaveca. ³Ana fiénide jóriaí íbáirafo como óriano íena llavede. Lláviano afe nazemo ‘sello’ daina “buna zuitánide” daide raa jóonete. Daií finoca náiraiaina mil diga fimona dinori jífueñeillena. Afe mil diga fimona jaille méifomo, afémie nano íanori zuitalle.

⁴Afe mei illainí ráiiranuaina ciódicue. Afénomo ráiiedino iere riire jicánolle rínona igáiaioi. Afe dáaruído ífóciaina jáicoicano coméciaina ciódicue. Afémaci Jesús jaícina lloga Juzíñamui uai íaioi llócailla ícoina ífóciina jaitácaiaioi. Afémaci afe jacire eroide rílle como caimátaíñediaioi; daje izói afe jánaraimo caimátaíñediaioi. Daje izói afémaci ozócimo ie mámece cuetátaíñediaioi, femo daje izói íaioi ónoimo. Afémaci abi meine abido cáaillano mil fimona dino Cristo diga illáimaitiaioi. ⁵Afe bie meine abido cáadino, nanóidino meine cáaillirumo abido cáaitiaioi, jae cai daina Cristo diga illáimaillena. (Mei íadi jiáie tíidino mil diga fimona záíñena dino meine abido cáaiñeitiaioi.) ⁶Nana afe nanoide cáaillirumo meine abido cáaitino caimare itíiaioi. Daje izói afémaci Juzíñamui ñue finócano. Afe meífoide tiille afémacimo jaca jíríñeite. Mei íadi afémaci comínido Juzíñamuimo úrifireitinona íitiaioi; daje izói Cristo íeiena zíñona íitiaioi. Iemona mil fimona dino afe Cristo diga illáimaitiaioi.

⁷Afe mil diga fimona záilla méifomo, Taife ie llavéinafomona zuitalle. ⁸Jáillano nana énie náiraiaina jífueite. Aféruído “Gogna” mámeceirede náiraia jífuaite, “Magog” daina náiraia diga. Afe náiraiaí fúiritinuiaina Taife dáanomo jofo óite, íiraicaíño fuiríllena. Afémaci monáillajimo ite guamai dígadeza facádonidiaioi. ⁹Afemona énie nániena afémaci iere oruíbicaite. Iemona Juzíñamuimo jaináidino illánona nágafene fállena cirínotiaioi. Afe illano Juzíñamui izíruiga Jerusalén daina jofue; áfena cirínotiaioi. Mei íadi Juzíñamui monámona irai afémacimo orede. Afe iraido fiébiñeno cóonaitiaioi. ¹⁰Afe llezica afémaci

jífueoicaide Taife boode jóraimo dotaca. Afe jorai iere uzire boode. Afe dāanomo jacire eroide rille, íemo jíái taino uai jino llócaidimie nauí dotaca. Afénomo mona naío diga jaca ninomo zííñona iere duere finócaiaíoi.

**Aillue úzerede ráiirano illaíma ie, íemo afe
uícómo iere riire jicánollino cíoína**

¹¹Afe méifodo áillue úzerede ráiirano illaíma íena ciódicue. Iemo afénomo ráiidimiena ciódicue. Afémie uícómóna nana énie mona diga niné cióbicaíñena. Afe mona énie diga illino jae íñede; jae niné táinocaidiaíoi. ¹²Daje llezica Juzíñamui uícómo nauí Juzíñamuimo finoñeno tíidino naidáíenana ciódicue. Afeno jamánomoidinori naa jamáimaciri dāanomo naidáíediaíoi. Afe llezica comini finócafuiái cuiánicuai túide. Daje izói afénomo jíáie zííñona íitino mámeçi cuiánico túide. Bie tíidino íaíoi finócafuiái íllaze riire jicánogaiaíoi, mei afe íaíoi finócafuiái cuiánicómo cúeina dieze riire jicánogaiaíoi. ¹³Afe llezica monáíllajimo báíide tíidino meine abído Juzíñamui uícómo caífo náidacaitagaiaíoi. Daje izói nana jíáíforie tíidinuiái íaíoi tííllanomona meine abído Juzíñamui uícómo caífo náidacaitagaiaíoi. Afe nana náidacaitagano íaíoi finócafuiái íllaze afémacimo riire jicánogaiaíoi. ¹⁴Afe mei ‘muerte’ daina comini tííllafue boode jóraimo dotaca, ie mei niné táinocaide. Daje izói dāanomo nauí tíidino íbáínaco afénomo dotaca. Dotaca mei niné táinocaide. Afe bie boode jorai, íiraie tííllana mameide. ¹⁵Iemo afe zííñona íitino mámeçi cuiánicómo mámeçina cúeñegano afe boode jóraimo dotácaiaíoi.

Comue mona comue énie diga

21 ¹Afe méifodo comue mona, comue énie diga ciódicue. Mei nanoide mona nanoide énie diga ja niné cióbicaíñenaza. Daje llezica monaíllai jae íñede. ²Afe llezica comue Jerusalén daina íaífuenide jofue, Juzíñamui uícómóna monámona ana bíllana ciódicue. Afena ciódimiedicue, Júaadícué. Afe jofue, óllena jicánoga ringo ebire finóbina izói ebire cíoide. ³Iemo monámona ficire dáínana cacádicue. Afe uai daide:

—Ero, comini cígiri birui Juzíñamui illa. Afémaci diga ífireite, íemo afémaci afémie comínina íítiaíoi. Ja birui dama afémie afémaci cígiri ííte, afémaci Juzíñamuina ie íllena. ⁴Juzíñamui afémaci ui jéména zafénaitaite. Aféruimo tíille íñeite. Daje izói eia íñeite, íemo jíái duere zefuííllamona eia íñeite. Daje izói comini abí izírena íñeite, mei jaiái ítífuiái jae zaaideza.

⁵Iemo illaíma ráiiranomo ráiidimie cuena daide:

—Ero. Nana cómuena méídotícué.

Iemo nane daide:

—Bie uai iere ua uaiza, mai cúeiri. Daje izói bie uai iere finofiregaza, —daide.

⁶Nane afe mei cuena daide:

—Ja ñue ícoimo finócaza. Cue bie naga ráfuiaina nai cómuñenia úcodo itímiedicue. Daje izói dáamiedicue fuillínomo itímiedicue. Abecedario A-mona táinia izóidimiedicue. Daje izói abecedario Z-mo fuizajilla izóidimiedicue. Jáinoia jirócadimie ñúejina jirótaja izói, afe izói ñúefuiái dibénemo íacadimie mo raiñóñeno afémie mo zíiñona illáfueña ífireiticue. ⁷Fiénidena anáfenodimie nana bíena feci raa fia máiñua izói, máiñoite. Afe llezica afémie Juzíñamuiticue, íemo daje llezica afémie cue jitóite.

⁸Mei íadi nana íñoñedino dibéfodo duere zefuille afémacimo dúide. Uáfueza, ñúefueña jacíruitino daje izói íñoñedino, íemo jíáimana éoidino, íemo jíáimana titádino, íemo jíái jiruífueña finófiredino, íemo jíáima fue gáiana fibídino, íemo jíái jánaraimo caimátaidino, íemo nana táinona úritino; nana bie izóidino boode jóraimo dotárediaioi. Afe jorai iere uzire boode. Afe bie boode jorai firaie tíllana mameide, mei afénomo dotácano jaca ninomo Juzíñamuimona oni eneno duere finócanona ítiaioiza.

Comue Jerusalén

⁹Afe mei siete dígade ángeles dainámaci Juzíñamui abí imácimona daa cuemo úrizaibite. Afémie nauí Juzíñamui ocuica siete dígade firaie jacírede duere fñuana oruide ichecoí uitímie. Afémie cuena daide:

—Ero, Cordero aí izóidena jáitina o ácataiticue, —daide.

¹⁰Iemo Juzíñamui Ñuera Joreño bie izóidena nicai anado cuena cótate. Afe Juzíñamui abí ímie áillue caifónedumo cue uite. Afénomo monámoma Juzíñamui uícomona ana bite jamánomo ñuera Jerusalén jofue cuemo ácatate. ¹¹Juzíñamui abí ebire quenírena izói afe jofue quenírie cóide. Daje izói iere ráifide nofici quenírena izói queníriede. ‘Jaspe’ daína nofici vidrio enéfecomo cóina izói cóide. ¹²Afe jofue jinófenedo nágafene áillue cirínubairo raa ite. Afe cirínogamo doce dígabe naze ite. Iemo illa díga nazemo Juzíñamui abí ímie naidaina. Iemo afe náziaimo doce dígade Israel nairai mámeciai cúeina. ¹³Afe jofue náziaimona, fuirífenemo dazeámani ite. Iemo jíáie dazeámani onífenemo ite; íemo jíáie dazeámani féifenemo ite; íemo jíáie dazeámani afáifenemo ite. ¹⁴Afe jofue jinófene cirínua anamo nofici finoina mozóidibani doce dígade. Illa dígabanimo Cordero nágagobiaimo orécano ‘apóstoles’ dainámaci mámeciai cúeina.

¹⁵Afe cue díga úrite Juzíñamui abí ímie, oro finoina facáradozi lláide, afe jofue facállena. Daje izói ie náziai facállena, íemo jíái afe

jinófene cirínua facállena. ¹⁶Afe jofue fueda nagaámariede; nágafene daje dinóriede. Ie árrera díbene daje dinóriede; íemo ie ruica díbene daje dinóriede. Afe Juzíñamui abi ímie ie llíga radózido jofue facade. Facádemo dos mil doscientos kilómetros árrera. Daje izói ruica diné eróicana dos mil doscientos kilómetros. Iemo caifo diné eróicana jíái daje izói dos mil doscientos kilómetros. Nágafeniai daje dinóriede. ¹⁷Afe mei jinófene cirínuabani facade. Facádemo sesenta y cuatro metros caifo ite. Afena Juzíñamui abi ímie come facáfírena izói facade.

¹⁸Afe jinófene cirínuabani ‘jaspe’ daina nofici finoina. Afe jofue íáinide oro niina. Ñue enéfecomo cíoide vídriona eroide. ¹⁹Jinófene cirínua anamo mozóidíbanillai nana jíáiforiede ráifide noficiado ebire ñue finoca. Nanóidíbani ‘jaspe’ daina nofícido ebire ñue finoca, íemo jíáibani ‘zafiro’ daina nofícido ebire ñue finoca, íemo jíáibani ‘ágata’ daina nofícido ebire ñue finoca, íemo jíáibani ‘esmeralda’ daina nofícido ebire ñue finoca, ²⁰íemo jíáibani ‘ónice’ daina nofícido ebire ñue finoca, íemo jíáibani ‘cornalina’ daina nofícido ebire ñue finoca, íemo jíáibani ‘crisolito’ daina nofícido ebire ñue finoca, íemo jíáibani ‘berilo’ daina nofícido ebire ñue finoca, íemo jíáibani ‘topacio’ daina nofícido ebire ñue finoca, íemo jíáibani ‘crisoprasa’ daina nofícido ebire ñue finoca, íemo jíáibani ‘jacinto’ daina nofícido ebire ñue finoca, íemo jíáibani ‘amatista’ daina nofícido ebire ñue finoca. ²¹Afe doce dígade naze íbáirabici áillue perla. Illa dígaze daa perla ie finoina. Afe jofue cígido joide áillue macárao íáinide oro finoina. Afe macárao enéfecomo ñue cioide vídriona eroide.

²²Afe jofue eromo Juzíñamuimo gairíraco jaca ninó daa cóñedicue; mei jamánomo rínorede Juzíñamuimo ebena nágafeniaimo caimátaidiaioiza. Afémiena jíáifodo daina cai Ocuíraima. (Afe jofue gairíraco Juzíñamui abiza. Daje izói jíái Cordero abiza.) ²³Afe jofue jítómado egáíñuamo dúíñede; daje izói fiuido egáíñonide. Mei afe jofue Juzíñamui abimo ite ebírede quenírededo egáíñogaza. Daje izói jíái Juzíñamui Cordero afe jofue egáíñogaza. ²⁴Nana jíllotaga nairai afe jofue egáñuado mácaítiaioi. Bínie nairai illaini afe jófuemo íaioímo ite aillo ebíriede illaíma daíllena ráaniaina átiítiaioi. Atiano Juzíñamuimo, íemo jíái Crísto mo izájítiaioi. Daje llezica afe jofue ocuídímie íaillinoímo aillo ñúefuena mámeítiaioi. ²⁵Afe jofue naze jaca monari íbainíelle. Iemo afénomo jaca mona náuíñeite. Jira náziai íbáíllíruí íñeite. ²⁶Enie náiraiai íaioímo ite ebíriede ráaniaina afénomo átiítiaioi. Daje izói afénomo aillo ñúefuiai mámeítiaioi. ²⁷Mei íadí comécina íáiredino jaca afénomo jofo jáinide. Daje izói comécina éoidino díno mo jofo jáinide, naa taino llotínori. Dama zííñona ítino mámecei cueránicomo mámeceina cuegámaci daní afénomo jofo jaille. Afénico Cordero daina Jesucrísto mo ite.

22

¹Afe mei Juzíñamui abi ímie íáinide imánina cue ácatate. Afémani jáinoi cómena zííñona cáatate. Afeji vidrio enéfenemo

uáfori cioina izói cóide. Afe imani Juzíñamui illáimana ráiiranomona tote. Afe ráiirano daje izói Cordero ie. ²Afe jofue cigido áillue macárao illa. Afe macárao dáafenedo comínina zíñona cáatate aménaiai riina. Daje izói afénomo ite imani fuédado nágafene daje ie aménaiai riina. Afe aménaiai illa diga fiui llizífiredo. Iemo jíái afe aménaiai íbiai nairai ñue manóllena ite. ³Aféruillaído afénomo faidórafuena jae íñeite. Juzíñamui illáimana ráiirano afe jófuemo ite; daje izói Cordero ráiirano afénomo ite. Ie ocuífirigano daa afémiemo caimátaitiaioi. ⁴Afe llezica afémaci Juzíñamuimo, meáiruñeno jofo conímamo éroitiaioi. Afémaci ozócimo afémie mámecei cúeina. ⁵Afénomo mona jaca náuíñeite. Afénomo itino mechera izoide egáíñuana jítaiñeitiaioi. Daje izói jitoma egáíñuana jítaiñeitiaioi, mei cai Ocuide Juzíñamui íaioina egáioite. Iemo afémaci jaca ninomo zíñona illáimaitiaioi.

Jesucristo billirui ja áinozide

⁶Afe méifomo Juzíñamui abi ímie nane cuena daide:

—Bie uai iere ua uaiza. Daje izói bie uai iere ínofiregaza. Afe cai Ocuíraima nauí Juzíñamui uai jino llóraini comécimo úritimie. Afémie birui ie abi ímie orede, ie ocuícamacimo raire cómuitifuiaína onótallena, —daide.

⁷Iemo Jesucristo daide:

—iRaíre biticue! Binícomo cuega Juzíñamui uáillaina jíéruitimie caimare ite, —daide.

⁸Cue Juáadicue. Bífuiaina cacádicue, daje izói bífuiaina ciódicue. Bífuiaina cacáillano, femo daje izói cue ciona méifomo, cuemo ácatate Juzíñamui abi ímie anamo dújudicue afémiemo caimátaillena. ⁹Mei íadi afémie cuena daide:

—Jadíe izói cuemo íñeno. O izói Juzíñamui ocuícamedicue. Daje izói Juzíñamui dibénedo úrifiredo o ámatiai izóidicue. Iemo jíái binícomo cuega uáillaina náfuetino izóidicue. Cuemo caimátaiñeno; dama Juzíñamuimo caimátaiñeiri, —daide.

¹⁰Nane dáanomo cuena daide:

—Binícomo cuega Juzíñamui uaina báinino o comécimo jóoneño o iri. Mei bífuiái ícoimo ñue fuizájillirui ja áinozideza. ¹¹Nai bie fuiñena llezica, fiénidimaci íaioi finófirega fiénidifuena dama íaioi finócaza. Fia eroi, mei afe izói íaioi íllado jamánomo duere finólliaioiza. Daje izói comécina íáiredino dama comécina íáireoicaideza. Fia eroi, mei áfedo duere finólliaioiza. Mei íadi ñue itino íaioi illa baímo ñue iri. Daje izói Juzíñamui éna ñue finócamie fáicanocaiñeno afémie íena ífireiri, —daide.

¹²Iemo Jesucristo daide:

—Jii, raíre biticue. Illa dígamiemo cue fecalle fia jíírdoga izoide raa atídicue. Illa dígamiemo afémie finoca díeze fécaíticue.

¹³Nanóidimedicue. Iemo jiái íiraimedicue. Daje izói naga ráfuiyai úcodo itímiedicue. Daje izói fuizájillanomo itímiedicue. Iemo jiái abecedario A-mona táinia izóidimedicue. Daje izói abecedario Z-mo fuizájilla izóidimedicue.

¹⁴Iaioi iníroina jocófredino izói, comeci ifue ñuérana méidotino caimare itíaiói. Íemona cáatate amena llizíllana güírediaíoi. Afe bie izói daíacade zííñona íaíoi íllena. Daje izói íaíoi iníroi ñue jócuamona, afe jofue nazedo Juzíñamui illánomo jofo jáirediaíoi. ¹⁵Mei íadi comécina íáiredino afénomo jofo jáinidiaíoi. Iemo daje izói jiáima fue gáiana fibídino, íemo daje izói nana jiáiforiede jiruífue finódino, daje izói cómena méinetino, daje izói jánaraimo caimáaidino, daje izói jiáie comínina iere jífuefredino, naa afe izoide fibídinori; nana bie izoide comini afe jófuego jofo jáinidiaíoi; jáiñeno jino fiébitiaíoi.

¹⁶Cue Jesúsdicue. Juzíñamuimo ua jáináidinomo nana bífuiyai jino llóllena cue abi ímie ja cue oreca. Jaiyai illaíma David comuilla moi ímiedicue; daje izói afémiemona jebuídino comuítagamiedicue. Iemo iere egáínote monáiracudu izóidimedicue, —daide.

¹⁷Iemona Juzíñamui Ñuera Joreño daide:

—Mai bi, —daide.

Daje izói Cordero ai daina afémiemo ua jáináidino íena daide:

—Mai bi, —daide.

Daje izói búuailaina cacáidino afémiena:

—Mai bi, —omoi daíri.

Iemo Cristo daide:

—Jiróacaitimie zííñona cáataite jáinoina íbáneno mai fia júruaíbiri. Afe bie izói daíacade zííñona illáfuenta óiacadimie mai cuemo bi; raiñóñeno omo fécaíticueza.

¹⁸Nana binícomo cuega Juzíñamui uaimo cacáreidinona bie izói llétaiticueza, cacai: Dáamie bie ráfuenta baímo zotáadi, Juzíñamui binícomo cuega jacírede duere fínuaniaína afémiemo jóoneite. ¹⁹Daje izói binícomo cuega Juzíñamui uáimona dáamie daa uai oni óiadi, Juzíñamui afe zííñona cáaitino mámecei cuiánícomo cuega afémie mámeceina oni óite. Daje izói binícomo lloga nífuenide jófuego Juzíñamui afémiena jofo jáitañeite. ²⁰Bífue jino llotímie nane dáanomo lloste:

—Jii, raíre biticue, —daide.

Afemona Juan daide:

—Aquíe izóideza. ¡Cai Ocuíraíma Jesús, mai bi!

²¹Cai Ocuíraíma Jesucristo nana ómoína ñue fñoiteza. Daífadeza. Jae niie.